

Esaki t'e 8 Ministernan nobo

di Gabinete
Wever-Croes II,
kendenan lo
huramenta
dialuna awor

9 DI SEPTEMBER 2021



Sra. Evelyn Wever-Croes
Asunto General, Innovacion,
Organisacion Gubernamental,
Infraestructura y
Planificacion Teritorial,
Prome-Minister



Sr. Ursell Arends
Integridad, Naturalesa,
Transporte y Cuido di
Grandinan
Vice Prome Minister



Sra. Xiomara Maduro
Finansas y Cultura
Di dos Vice Prome Minister



Sr. Geoffrey Wever
Asunto Economico,
Comunicacion y Desaroyo
Sostenibel



Sr. Rocco Tjon
Husticia y Asuntonan Social



Sr. Endy Croes
Enseñansa y Deporte



Sr. Glenbert Croes
Labor, Integracion, Energia



Sr. Dangui Oduber
Salud Publico y Turismo



Gabinete Wever - Croes II



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



SECURITY



Tired of **Manually** Processing Forms?

SCANSYS
vision on imaging

• Digital Processing of Purchase Invoices and more
 • Seamless Integration with most Financial Software
 • Complete Control of Authorizations via Workflows

VCC
International NV

This **OCR software** scans every field on any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Gabinete Wever Croes II a keda cla

Rocco Tjon y Endy Croes Ministernan nobo y Danguì Oduber ta retene turismo

Diahuebs algo prome cu 12'or di merdia, formado Evelyn Wever Croes a entrega na Gobernador su raport riba formacion di un gabinete nobo pa periodo di gobernacion 2021 – 2025 caminda tin cu bisa cu no tabatin mucho sorpresa.

Kisas e sorpresa di mas grandi tabata e decision di formado pa duna bek e cartera di turismo na Danguì Oduber, kende a keda mantene tambe e Ministerio di Salubridad, ya cu inicialmente formado a mostra cu ainda no sa kico lo haci cu turismo.

Tanto Rocco Tjon como Endy Croes a logra tog pasa e proceso di screening despues di hopi speculation sin nan lo ta ministeriabel, pero Gobernadorabaydiacuerdocunannombramento loke ta indica cu durante di e screening no a topa cu ningun obhecion of problema pa nan candidatura pa bira Minister.

Rocco Tjon ta bira Minister di Husticia y di Asunto Social, mientras cu Endy Croes lo bira e Minister nobo di Enseñansa y tambe lo tin e cartera di Deporte.

Formado y lider di MEP, Evelyn Wever Croes a bira tempo un asina yama “Super Minister” mirando cu fuera cu e ta Prome Minister, e lo ta encarga tambe cu Asunto General, Innovacion y Organizacion Gubernamental, pero e carteranan cu a wordo kita for di Marisol Lopez Tromp, cu ta Infraestructura y Planificacion Teritorial, tambe a keda su responsabilidad.

Algo cu a lanta hopi comentario ya cu den e gabinete anterior e carteranan aki tabata di Otmar Oduber y Marisol Lopez Tromp di partido POR, pero manera muestra ora cu a retira Marisol como Minister, a pasa e carteranan aki temporalmente pa Evelyn maneha.

Loke ta otro sorpresa t'e hecho cu e dos miembronan di RAIZ, ambos a opta pa bira Minister den e gabinete nobo y lo laga e poder politico den Parlamento pa otro miembronan di e partido, cu ta un riesgo grandi sin duda.

Ursell Arends lo ta encarga cu Ministerio di Integridad, Naturalesa, Transporte y Cuido di Grandinan, mienras cu Geoffrey Wever ta bira Minister di Asunto Economico, Comunicacion y Desaroyo Sostenibel.

Danguì Oduber si finalmente a bin logra retene su careteranan den e proximo gabinete cu t'esun di Salud Publico y tambe di Turismo caminda dos siman atras esaki tabata muestra cu Danguì lo perde e cartera di turismo.

Xiomara Maduro a perde e cartera di Asunto Economico y awor ta responsabel pa maneho di e ministerionan di Finansa y tambe di Cultura cual ambos el a bin ta manehando den e ultimo gabinete.

Glenbert Croes tambe a perde un ministerio cu t'esun di Asunto Social cu a pasa pa Rocco Tjon pero a retene e Ministerionan di Labor, esun di Integracion loke ta nifica cu maneho di DIMAS lo keda su responsabilidad y tambe e lo tin e Ministerio di Energia.

Na 2017 tambe Glenbert tabata desea di a haya e cartera di energia, pero e tempo ey Minister Presidente Wever Croes a dicidi otro y a tuma e ministerio aki bou di su encargo y awor no ta mucho cla dicon awor si Glenbert por haya esaki. Ainda no a menciona fecha cu e gabinete nobo lo huramente pero ta spera cu esaki lo tuma lugar dialuna awor, ya cu tur e candidatonan aki cu ta bira Minister, tin cu entrega nan retiro como miembronan di Parlamento, pa despues e candidatonan nobo cu lo reemplasa nan, por entrega nan “geloofsbrieven” pa despues wordo huramenta.

Si t;asina cu unbes cu Rocco Tjon ta bira Minister di Husticia, a pone cu Alto Comisario Vanessa Kock tin cu retira for di su posicion, pasobra esaki no ta compatible cu su esposo, ta bira su Hefe directo. Maske cu Rocco Tjon riba papel por ta casa cu e Alto Comisario, pero nan no ta biba hunto y menos ainda ta divorcia.

Ursell Arends ta cede un posicion crucial den Parlamento pa bira Minister

Historia politico a mostra cu e ta un gran riesgo

E sorpresa politico mas grandi ora cu formado Evelyn Wever Croes a anuncia miembronan di su gabinete nobo, ta cu lider di partido RAIZ, Ursell Arends lo bira Minister lagando su puesto como miembro di Parlamento.

Un decision cu hopi a considera hopi delicado ya cu su futuro politico n'e momentonan aki, ta depende totalmente di loke e sosten minimo di 11 asiento cu e Gobierno di coalicion tin den Parlamento.

Cualquier conflicto, cualquier confrontacion politico cu surgiden e coalicion nobo aki den lunanan dilanti, ta pone cu Ursell lo por regresa den Parlamento, algo cu recientemente pasa caba cu drs Marisol Lopez Tromp, ora cu el a bira Minister y despues cu el a wordo baha for di e puesto aki, e no por a regresa den Parlamento.

N'e momentonan aki e futuro politico di e lider di RAIZ ta den man di otro nan y sin cuestiona integridad di e dos candidatonan di RAIZ cu t'esnan cu lo drenta Parlamento den e dianan cu ta bin, esta Raymicheline Raymond y Raymond Kamperveen, e ta keda un situacion politicamente hopi delicado.

Den gabinete anterior partido RED cu a forma parti di e coalicion hunto cu MEP y POR, e lider di RED, Ricardo Croes a opta pa bira miembro di Parlamento y no asumi e posicion di un Minister.

Esaki tabatin di haber cu e statuto di e partido, esta c'un candidato riba lista di RED no por bira Minister, pero na mes momento Ricardo tambe a opta pa sigura su stoel den Parlamento y no laga esaki den man di otro nan si cualquier problema surgi.

Cualquier cambio cu por surgi den futuro, cualquier conflicto cu presenta caminda hasta e coalicion aki lo por cambia prome cu eleccion ia 2025, Ursell Arends y Geoffrey Croes lo tin cu confia riba e pensamiento di nan dos coleganan di partido pa haya nan puesto bek den Parlamento.

Den ultimo coalicion e lider di POR, Otmar Oduber tambe a opta pa bira Minister, pero na su retiro a bin compronde tambe di con el a tuma e decision aki ya cu el a premira cu e lo bandona politica despues di un tempo loke el a haci tambe.

Mientras cu Andin Bikker, kende tabata number dos riba e lista di POR ya caba tabata Minister di Husticia y el a bula for di e partido sin cu esaki tabatin consecuencia politico pa su persona ya cu el a bira miembro inoficial di partido MEP, hibando campaña p'e lider di e partido geel.

Drs. Marisol Lopez Tromp e ora a asumi responsabilidad di e carteranan di Otmar Oduber y a dicidi di bay un otro rumbo cu loke su partido tabata bayendo, denunciando decisionnan incorrecto y hasta ilegal cu tabata tumando lugar.

El a wordo baha como Minister ora cu tanto Consejo di Minister y fraccionnan cu ta sostene e Gobierno a firma un carta pa Gobernador den cual nan ta vocifera cu nan no por sigui traha cu Marisol mas, loke a conduci na su retiro.

Marisol no por a regresa bek pa Parlamento ya cu ya tabatin otro persona den e posicion aki y legalmente e no por exige e posicion aki bek.

Awor ta Ursell Arends a opta pa bira Minister loke hopi ta haya cu ta demasiado prematuro ya cu e lider di RAIZ ainda no tin suficiente experiencia pa carga un responsabilidad asina grandi den inicio di su carrera politico.

Hendrik Tevreden lo bira lider di fraccion di MEP den Parlamento

Raymicheline Raymond Vice Presidente di Parlamento

Aunke esaki no a bira oficial ainda, pero tur cos ta musta cu Hendrik Tevreden lo bira e lider nobo di fraccion di MEP den Parlamento, re-emplasando Rocco Tjon, kende ta bira Minister di Husticia y Asunto Social den e gabinete nobo.

Fuera di Tevreden, ya caba ta conoci cu Arthur Vallego tambe ta keda como miembro di Parlamento p'e fraccion geel, mientras cu Edgard Vrolijk ta sigui como Presidente di Parlamento y miembro di fraccion di MEP.

Fuera di e tresnan aki, den curso di awe of dialuna lo tin cu huramenta seis miembro nobo p'e fraccion aki, y esakinan lo bira Alvin Molina, kende tabata un di e candidatonan pa bira Minister di Husticia. Tin cuater miembro di e constelacion bieu tambe ta regresa awor cu ta Shailiny Tromp Lee, Juan Ady Thijsen y Louissette Christiaans Yarzagaray y Darlaine Guedez Erasmus, mientras cu e miembro nobo di fraccion cu ta bin acerca pa prome bes mescos cu Alvin Molina, ta bira Sue-Anne Ras.

Sinembargo ya caba Sue-Anne Ras tabata forma parti di e fraccion di MEP den e ultimo periodo di gobernacion te na su decision di baha como miembro di Parlamento pa un incidente cu a tuma lugar durante di un reunion di IPKO na Den Haag.

Pa loke ta trata RAIZ aki tambe tin dos miembro nobo lo tin cu huramenta como miembro di fraccion di RAIZ na lugar di Ursell Arends y Geoffrey Croes y ta trata aki di Raymicheline Raymond, kende tabata candidata number tres riba lista pa eleccion y tambe Raymond Kamperveen, kende tabata number 4 riba lista di e partido aki.



Cua di nan dos lo bira lider di fraccion ainda no ta conoci, pero sea den curso di awe of dialuna esaki lo bira conoci caminda un di nan tambe lo tin cu bira Vice Presidente di Parlamento cual posicion tabata pertenece pa algun siman na Ursell Arends.

Por anticipa cu Raymicheline Raymond lo bira Vice Presidente di Parlamento segun palabracion entre e dos partidonan ya cu el a ricibi un total di 693 voto den ultimo eleccion, mientras cu Kamperveen a logra un sosten di 310 voto personal.

Pa diamars benidero durante apertura di Aña Parlamentario, ta spera cu e constelacion nobo y oficial di Parlamento, lo ta cla y cu e Ministernan di e gabinete nobo tambe ta cla huramenta y pa nan inicia cu gobernacion di e pais.

Covid a cobra un morto mas, mientras ayera a registra 35 caso nobo di Covid

Di acuerdo cu resumen di ayera di DDVG, un total di 35 caso nobo di Covid-19 a keda registra cual 3 ta no-residente y 32 ta residente. y 68 persona a recupera.

E cifranan aki ta representa un 'Positivity rate' bou di nos residentenan di 14%. E cantidad di casonan activo di Covid-19 pa ayera tabata 444 y cantidad di fayecidonan relaciona cu Covid-19 a aumenta na 154 cu morto di 1 residente. Forsa na famia di e fayecidonan.

Datonan ta ilustra casonan nobo di Covid cu un average semanal di 38 caso pa dia y un averahe di 'positivity rate' semanal di 19% pa dia.

Actualmente na Aruba tin 31 persona interna debi na Covid di cual 10 ta den ICU y 21 riba piso general y na Colombia tin actualmente 24 persona den Cuido Intensivo. For di comienso di juli cu DELTA a haci su introduccion na Aruba por observa cu lamentablemente 46 persona a perde e bataya contra e virus di Covid-19 di cual 7 tabata vacuna y 39 no tawata vacuna.

Pabien Aruba cu otro premiacion grandi!

Travel & Leisure ta menciona Aruba den e top 25 islanan di mundo, nos playanan y nos cordialidad ta destaca!

Oficina di Turismo Aruba (A.T.A.) ta ricibi otro grato noticia, cu e conocido revista Travel + Leisure (basa na New York cu un publicacion 12 biaha pa aña y 4.8 miyon lector) a nombra Aruba den tres diferente categoria.

E aña aki, e encuesta p'e famoso 'World's Best Awards' tabata habri pa tur hende por a vota, entre dia 11 di januari 2021 pa dia 10 di mei 2021. Esaki, despues cu hopi destinacion a inicia pa bolbe habri nan fronteranan atrobe pa ricibi bishitantenan.

E mihor islanan rond mundo, segun e criteria di lectoran di Travel & Leisure, t'e destinacionnan cu ta 'instagram-perfect', esun cu e bishitantenan lo soña di dje ora cu ta winter na unda nan ta biba y nan ta desea pa ta na un isla cu un dushi clima y awanan di lama blauw cu playanan blanco.

Naturalmente tin islanan asina rond mundo y cada uno tin su specialidadnan/interesnan specifico manera historia, cultura, aventura of kisas algo full diferente cu ta haci e destinacion destaca.

Tur aña Travel & Leisure ta puntra su lesadornan pa nan experiencia y comparti nan opinion y experiencia pa cu e lugarnan cu nan ta bishita, sea ta ciudad, isla, crucero, pero tambe aerolinea, spa y mas.

Asina e lectoran di Travel & Leisure ta evalua den e caso di destinacionnan, e actividadnan, atraccionnan di e naturalesa, playanan, culinario, cordialidad/amabilidad y naturalmente e balor en general di e destinacion.

Entre e top 25 islanan den Caribe, Aruba a sali e di tres isla como mas gusta unda a pone enfasis riba Aruba su playanan, su hendenan amabel y cu hopi cos (actividad) aki na Aruba ta serca di otro.

Den e top 25 islanan mundial, Aruba a sali number 18. Den e top 25 resortnan den Caribe, Aruba a bolbe haya fama mundial, unda n'e di 12 lugar, Bucuti & Tara Beach Resort a wordo menciona.

Pabien Aruba! A.T.A. ta felicita tur esnan cu ta yuda pa nos isla sigui progresa cu e logro aki y ta pidi un y tur pa proteha nos recursonan natural y cultural, incluyendo nos calor humano, p'asina e sector turistico por sigui prospera y sostene nos pais.



Aruba tin un gabinete di famia

Cuater miembro di un famia Croes ta parti di e Gobierno actual

Conoci como partido di “family and friends” tur cos ta musta for di ayera ora cu a anuncia e gabinete nobo, cu awor tin cu papia unicamente di “family” mirando e stempel diki cu famia Croes tin den e actual Gobierno di coalicion.

Prome Minister Evelyn Wever Croes ta prima di Minister Glenbert Croes y nan tur dos ta prima y primo tambe di e flamante Minister Endy Croes y pa completa obra, nan tur tres ta acto prima y primo di Presidente di Parlamento di Aruba, esta Edgard Vrolijk.

Durante di e sesion di pregunta ayera tardi formado Evelyn Wever Croes a sorprende prensa ora cu el a pidi pa un miembro di prensa splica kico e kieren cu nepotismo, siendo cu henter Aruba y henter Reino sa di e envolvimento di su famia den gobernacion di e pais.

No ta for di awor, pero for di añanan caba, tur hende ta papiando di esaki y prensa tambe a trece esaki ayera dilanti caminda pa drecha cuenta, formado a bisa cu e ruman di Minister Glenbert Croes cu ta den Hunta di Directiva di RDA, lo bandona su cargo dentro poco pa evita e situacion di conflicto aki.

Sinembargo no t'awor Glenbert ta bira Minister, pero e tin cuater aña caba como Minister y pa algun aña su ruman tabata riba e puesto cu awe formado kier drecha dor di anuncia su retiro for di Hunta di Directiva caminda Glenbert Croes lo ta Minister di Energia.

Segun formado, su Gobierno no ta nombrando hende ningun caminda ya cu esey ta dificil pero den e plan social caminda a traha algun departamento nobo, tin famia a wordo nombra, mescos tambe e Departamento di Transporte cu Minister Dangui Oduber a lanta pa transporte di pashentnan cu ta rekeri cuida medico.

Pues pa trata di musta cu su Gobierno no ta haciendo algo cu por wordo cataloga como nepotismo no ta corecto ya cu semper Gobierno di MEP ta conoci p'esaki.

Aworaki mes, tres primo den e gabinete, un acto primo como Presidente di Parlamento y awor pueblo su speransa ta sinta den e hecho cu Ursell Arends di RAIZ a sigura cu su persona como Minister encarga cu Integridad, lo percura pa tur cos cana den forma corecto.

Ursell Arends a bira un Minister cu literalmente ta “out of the box”

Minister cu ministerionan ‘pret pakket’

Pa algun hende e ministerionan cu formado a duna lider di RAIZ p'e traha como Minister, ta loke den arena politico ta wordo considera como un tipo di “pret pakket.”

Ursell Arends a dicidi di bira Minister na lugar di busca experiencia sikiera pa algun tempo den Parlamento, pero ora cu tuma nota di e ministerionan cu el a haya na su encarga, realmente nan ta un sorpresa grandi. E no tin nada di peso pa carga ya cu mientras cu e ta papiando hopi serio riba integridad, Ursell a drenta un Gobierno cu tin mas cu cuater aña papiando di integridad, pero a dicidi di core c'un Minister algun luna atras, cu a bin dilanti y denuncia corrupcion den maneho di gabinete Wever Croes.

Ayera formado a anuncia cu e lider di RAIZ lo haya e ministerionan encarga cu Integridad, Naturalesa, Transporte y Cuido di Grandinan cualnan tin un parecido igual na un paki di popcorn.

Ainda e Departamento di Integridad no a keda cla, mientras cu ya caba formado Wever Croes a nombra caba su hendenan den e departamento aki y te ainda ningun hende sa kico Ursell lo bay logra loke Prome Minister mes no a logra den e ultimo cuater aña.

Tambe lider di RAIZ ta encarga awor cu naturalesa, pero aki tin un tiki duda kica realmente esaki ta nifica, esta cu e lo ta encarga cu agricultura cual departamento tampoco a conoce actividad algun ultimo añanan of simplemente den un forma fini ta bisa Ursell cu e ta Minister pa planta pinda?

Ursell ta Minister di transporte caminda tur hende sa cu e compania di transporte tin problemanan serio, problemanan di likides y si cosnan sigui manera e ta bayendo dentro di poco e lider di RAIZ no lo tin transporte mas pa atende.

Tambe Ursell a haya un cartera di cuida di nos grandinan, algo cu tambe ta zona nobo, pero cu hopi ta musta cu el a wordo saca for di cuida medico, Ministerio di Salubridad, pues formado a traha un paquete pa Ursell por bira Minister sin cu e carga mucho responsabilidad.

Mirando cu e cosnan aki y usando un expresion di Ursell ayera tardi, esta cu e Gobierno nobo aki lo bay “think out of the box” tin cu musta e lider di RAIZ cu literalmente loke formado a duna pa atende, ta pone den un posicion realmente “out of the box.”

Pabien Aruba cu otro premiacion grandi!

Travel & Leisure ta menciona Aruba den e top 25 islanan di mundo, nos playanan y nos cordialidad ta destaca!

Oficina di Turismo Aruba (A.T.A.) ta ricibi otro grato noticia, cu e conocido revista Travel + Leisure (basa na New York cu un publicacion 12 biaha pa aña y 4.8 miyon lector) a nombra Aruba den tres diferente categoria.

E aña aki, e encuesta p'e famoso 'World's Best Awards' tabata habri pa tur hende por a vota, entre dia 11 di januari 2021 pa dia 10 di mei 2021. Esaki, despues cu hopi destinacion a inicia pa bolbe habri nan fronteranan atrobe pa ricibi bishitantenan.

E mihor islanan rond mundo, segun e criteria di lectornan di Travel & Leisure, t'e destinacionnan cu ta 'instagram-perfect', esun cu e bishitantenan lo soña di dje ora cu ta winter na unda nan ta biba y nan ta desea pa ta na un isla cu un dushi clima y awanan di lama blauw cu playanan blanco.

Naturalmente tin islanan asina rond mundo y cada uno tin su specialidadnan/ interesnan specifico manera historia, cultura, aventura of kisas algo full diferente cu ta haci e destinacion destaca.

Tur aña Travel & Leisure ta puntra su lesadornan pa nan experiencia y compartinan opinion y experiencia pa cu e lugarnan cu nan ta bishita, sea ta ciudad, isla, crucero, pero tambe aerolinea, spa y mas.

Asina e lectornan di Travel & Leisure ta evalua den e caso di destinacionnan, e actividadnan, atraccionnan di e naturalesa, playanan, culinario, cordialidad/amabilidad y naturalmente e balor en general di e destinacion.

Entre e top 25 islanan den Caribe, Aruba a sali e di tres isla como mas gusta unda a pone enfasis riba Aruba su playanan, su hendenan amabel y cu hopi cos (actividad) aki na Aruba ta serca di otro.

Den e top 25 islanan mundial, Aruba a sali number 18. Den e top 25 resortnan den Caribe, Aruba a bolbe haya fama mundial, unda n'e di 12 lugar, Bucuti & Tara Beach Resort a wordo menciona.

Pabien Aruba! A.T.A. ta felicita tur esnan cu ta yuda pa nos isla sigui progresa cu e logro aki y ta pidi un y tur pa proteha nos recursonan natural y cultural, incluyendo nos calor humano, p'asina e sector turistico por sigui prospera y sostene nos pais.

Adopt a dog and get a free bag of Purina dog food

Until Sep 30th, 2021.

PURINA PUPPY CHOW Since 1965

ARUBA ANIMAL SHELTER Since 1987

PURINA Your Pet, Our Passion.

ATA a haci entrega di su di dies (10) raport anual (2020) na Minister di Turismo

Recien a tuma lugar entrega oficial di e Raport Anual pa aña 2020 na Minister di Turismo Danguillaume Oduber. E entrega a wordo efectua den presencia di Presidente di Hunta di Supervision di ATA, sr. Francisco Quant, conhuntamente cu CEO di Aruba Tourism Authority Ronella Croes, algun miembro di Management di ATA y representantenan di oficina di e firma di accounting encarga cu e auditoria, den e caso aki Ernst & Young.

Como e autoridad di turismo na Aruba, ATA ta estricto den su maneho. Gerencia ta laga diferente compania independiente haci auditoria riba base kwartaal tambe. For di 2011, na momento cu Oficina di Turismo a bira independiente, por bisa cu orguyo cu tur aña a sa di cumpli debidamente cu entrega di entre otro e Raport Anual, cu ta inclui resumen di resultadonan y di trabou haci, como tambe e relato financiero cu su respectivo 'goedkeurende verklaring.'

Conforme ley, tin dos momento clave pa Oficina di Turismo, e prome ta ora di haci entrega di e presupuesto p'e aña siguiente y e di dos momento ta ora di entrega e Raport Anual cu e resultadonan di e aña anterior. E Raport Anual ta consisti di un raport general, financiero, y un parti unda ta elabora riba e trabao di e Hunta di Supervision.



Den e parti general di e raport ta inclui un compilacion di e logronan di e diferente departamentonan den ATA, cual t'e departamentonan di Mercadeo, Strategia Planificacion & Investigacion ('Strategy Planning & Research'), Destination Services, Recurso Humano, y e departamento encarga cu e aspecto financiero, IT y maneho di facilidadnan di ATA.

Ta inclui sigur e trabou inmenso cu oficinanan situa den diferente mercado ta efectua.

Prome cu Minister aproba e raport, esaki lo wordo manda pa Parlamento di Aruba 'ter inzage' pa 10 dia di trabao. Despues di pone disponibel na Parlamento, Minister di Turismo por duna su aprobacion formal pa cu e Raport Anual di ATA, e edicion di 2020 pa ta exacto.

Esaki t'e di dies Raport Anual di ATA cu a wordo completa y cu ta carga un 'goedkeurende verklaring' di un compania di accounting independiente, esta Ernst & Young den e caso aki. Pa ATA e ta un ehercicio extenso y di suma importancia y un parti integral di e maneho cu ta cana man den man cu ley stipula pa ATA como tambe codigo di 'Good Corporate Governance' stipula pa ATA.

Mester aña di cu fuera di esaki, ATA ta tene un auditoria financiero independiente per kwartaal, cual ta wordo conduci p'e oficina di accounting independiente, den e caso aki Grant Thornton. E auditoria ta inclui oficinanan internacional tambe.



ULTIMO DIA DI PAGO

E cobranza di coriente di juli lo vence,
diamars 14 di september, 2021.

**N.V. Elmar ta recorda tur cliente pa
tene nan cuenta di coriente na ordo.**

Pa mas informacion jama 523-7100 of
email customerservice@elmar.aw



Palabra cu wela/welo tocante educacion di bo yiu

Ora un baby nace bida ta cambia p'e mayornan. E no ta mescos cu prome. Pero no ta p'e mayornan so a bin cambio, tambe pa e hendenan rond di bo.

Diripiente bo mayornan a bira di "mama y papa" pa "wela y welo".

Ta un reto: bo mama y tata rond di boso, y abo y bo partner purbando pa maneha boso rol nobo:

Mayornan nobo. Con bo mester haci cu tur nan consehonan? E ta di mas? Of kisas bo no ta hayando nan consejo mes? Y e suegroman?

Cada famia ta diferente. No tin un set di regla y rutina cu ta pas pa tur famia. Ta importante pa ta consciente di e forma con bo famia ta funciona, cu tin bon comunicacion y un bon manera entre boso y boso mayornan pa anda cu e cuido y educacion di e yiu. Aki tin algun tips pa yuda maneha e famia cu a bira mas grandi awor cu e baby tey:

Sa loke ta bo expectativa. Di antemano papia cu bo mayor y suegroman di loke boso ta spera di nan ora e chikito tey. Esaki pa purba evita sorpresa y desacuerdo desagradabel.

Hopi biaha welonan tin un idea caba di e forma y tempo con nan kier ta envolvi cu e nieto/a, si nan lo babysit of no, cuanto biaha bo mester keda den contacto cu nan. Pero esakinan no necesariamente ta cuadra cu loke boso tin den mente. Pesey ta importante pa papia tempran.

Keda den contacto

Ora welonan no tende di e nieto/a, nan por cuminsa preocupa. Nan ta mesun ansioso pa sa con ta sigui cu nan nieto cu abo ta cu bo yiu. Papia cu nan regular y conta nan di progresonan di e yiu. Si bo ta bira nervioso ora welo/a regularmente ta pasa inespera, bo por puntr'e pa laga bo sa prome.

Tambe por laga e baby "papia" cu nan na telefon. Of, specialmente si nan ta biba den otro pais, internet ta un bon posibilidad pa mira /papia cu otro.

Fiha limite

Papia prome cu welonan di loke boso ta spera di nan y despues haci palabracionnan cu ta aceptabel pa tur. Papia cu otro na manera positivo, p.e. na lugar di bisa nan pa no bin den siman (pasobra e ora boso no tin tempo pa sinta cu bishita), laga nan sa cu den weekend lo ta great. Boso tin hopi mas tempo e ora ey. Bo mayornan lo comprende esaki, pasobra nan mes a pasa aden tempo bo tabata chikito. Ademas ta importante pa abo y bo pareha tin tempo hunto pa sigui traha riba e relacion familiar nobo: E baby y boso.

Sea flexibel

Lo tin momento cu welonan kier desvia di reglanan palabra, p.e no ta duna nieto cos dushi. Ora bo descubri cu tog bo yiu a haya un koeki, ta importante pa bo no reacciona fuerte. Pero purba yega otro "halfway". Busca y palabra un otro alternativa p'e cos dushi cu no t'asina dushi cu e koeki, p.e. un fruta cu e nieto gusta.

Bo mayornan tambe ta hende Hopi wela y welo awendia ta hopi activo, ta traha henter dia, y tin nan propio actividadnan social. Tene cuenta cu no ta di mes cu e por yuda bo babysit ora bo pidi'e riba man. Of cu e no por bel bo di biaha bek ora bo yam'e. No haya esaki straño. Tene cuenta cu nan bida druk, y planea delanta ora bo mester di nan yudansa.

Na manera positivo fortifica nan Nan por tin propio idea tocante lantamento y criamento di yiu, pero welonan ta stima nan nieto y kier e mihor p'e. Pesey ta importante pa mostra bo aprecio y gradicimento ora nan duna un consejo util, p.e. manera pa laga e baby saca respo of un cantica pa canta cu ne. Ora bo duna nan rason welonan ta menos inclina critica. Te ora nan mes bira mayor, hopi mayor ta realisa con duro nan mayornan a traha.

Lo bo haci nan felis ora bo mostra bo mayornan e reconocimiento aki. Reconocimiento y respet di ambos banda pa otro lo yuda bo famia completo sera mas na otro.

Trata na crea un bon relacion cu e welonan lo yuda boso hopi, pero tambe e lo beneficia e yiu. Por tin desacuerdo entre generacionnan, pero importante ta e relacion welo-nieto cu ta algo hopi special.

Nan ta acepta otro cu e diferencia cu por tin entre nan y ta siña stima otro manera nan ta. Otro biaha cu bo mama of tata desvia di un palabracion, para un rato y pensa riba su manera di wak cos prome cu bo cai aden. Duna bo yiu y bo mayornan espacio pa nan por traha na nan propio relacion cu lo tin un dura pa basta tempo cu ta bin.

Fuente: "6 tips for setting boundaries with grandparents" – Education.com.

Pa informacion of pregunta por acerca Fundacion Pa Nos Muchanan - Cumana 2
Tel: 5834247/5880856 –
Whatsapp: 6998900



PASEO HERENCIA MALL
TEL: 586-0074

CARIBBEANCINEMAS.COM/PASEOHERENCIA
@CARIBBEANCINEMASARUBA

ALTERNATIVE CONTENT AT CARIBBEAN CINEMAS

National
Theatre
Live

IAN MCKELLEN

KING LEAR
BY WILLIAM SHAKESPEARE | DIRECTED BY JONATHAN MUNBY

SUNDAY, SEPTEMBER 12 AT 1:00PM

Considered by many to be the greatest tragedy ever written, King Lear sees two ageing fathers – one a King, one his courtier – reject the children who truly love them. Their blindness unleashes a tornado of pitiless ambition and treachery, as family and state are plunged into a violent power struggle with bitter ends.

UPCOMING EVENTS

The Met
ropolitan
Opera

HD LIVE
ENCORE

PUCCINI
TOSCA

SEPT 19

National
Theatre
Live

SEPT 26

**A VIEW
FROM THE
BRIDGE**
ARTHUR MILLER
DIRECTED BY IVO VAN HOVE

SHOWTIMES AND ONLINE TICKETING AVAILABLE AT
CARIBBEANCINEMAS.COM/PASEOHERENCIA

THE MAGIC OF THE MOVIES
ALSO ON YOUR MOBILE DEVICE



Resultado di aña 2020, ta musta cu ATA a ser afecta seriamente pa Covid-19

Debi na e pandemia mundial di Covid-19, Aruba a haya su mes forza pa sera su frontera na maart 2020 y a bolbe habri na juni 2020. Aki por mira hopi cambio den entrada.

E asina yama 'Tourism Credits' tabata proyecta pa sera cu un crecimiento di 2%, pero 2020 a sera cu un caida di 49%, no obstante cu cada turista cu a bishita a gasta mas.

Aruba a ricibi un total di 368.322 turista 'stay-over' durante 2020 ekivalente na un caida di 67% compara cu 2019, sigur bou di e proyeccion di un crecimiento di 1.5%.

Pa loke ta trata e industria di crucero, esaki a sera aña 2020 cu un total di 255.384 turista crucero, un caida di 69.3% versus meta stipula pa mantene locual a ricibi na 2019.

E pandemia a dal ATA duro. Entrada a baha cu 62% na 2020 compara cu 2019. ATA a ahusta su presupuesto drasticamente, incluyendo gasto di personal, y a continua 2020 cu fondonan significativamente reduci.

Total na gasto tabata 49% menos cu 2019, cual ta inclui suma cu a ser usa for di e Fondo di Emergencia cu ATA ta dispone di dje, cual pa ley ta destina netamente pa momentonan di urgencia asina ki.

Pa 2020 ATA su resultado final no ta uno positivo y como tal no tin pago lo tuma lugar na Gobierno di Aruba (a base pues di e "net result").

Gradicimento

ATA ta felicita e ekipo completo di ATA p'e logro, esta di por a entrega un raport cu un 'goedkeurende verklaring'.

Tambe ta gradici Hunta di Supervision, cu a duna prioridad un biaha mas n'e raport importante aki pa ATA y pa bienestar di nos sector turistico.

Ademas ta gradici Ernst & Young y mas cu claro ta gradici Minister di Turismo p'e diligencia necesario cu lo ser duna na revision y aprobacion di e documento aki.

E raport anual di 2020 ta hopi diferente compara cu e ultimo añanan. ATA ta haci su maximo esfuerzo pa traha riba e pilar di nos economia, y recuperacion mas rapido cu ta posibel di esaki.

PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota



Positive vibes #4

vacunathon

NO DUDA. VACUNA!

Pa bo mes. Pa bo famia. Pa bo pais.



Vacuna,
un acto di amor



RITZ-CARLTON

9:00 am pa 4:00 pm 'NON STOP'

11 y 12 di September

TRECE BO AZV OF PASPOORT



Casonan cu Cort di Prome Instancia tin pa trata

Corte di Prome Instancia 10 september 2021

Horario	Sospechoso	Acto Castigabel
08.30	J.E.D.	E.D. ta wordo acusa di ladronicia na un cas riba 27 di februari 2021.
09.00	A.G.J.v.d.L. F.J.I. C.S.N. M.F.G.	V.d.L. y I. y N. y F.G.ta wordo acusa di ladronicia, posesion di arma di candela y violacion di ley di droga riba 5 di maart 2021. N. ta wordo acusa di a viola toque de queda riba 5 di februari 2021 den Koningstraat.
11.00	R.E.E. A.R.v.P.	E. y V.P. ta wordo acusa di violacion di ley di droga riba 26 di maart 2021.

Corte di Prome Instancia 14 september 2021

Horario	Sospechoso	Acto Castigabel
08.30	K.M.H.	H. ta wordo acusa di a viola toque de queda riba 21 di maart 2020 den Arendsstraat.
08.40	R.M.L.J.T.	T. ta wordo acusa di a viola toque de queda riba 21 di maart 2020 den Seroe Largoweg.
08.50	D.K.	K. ta wordo acusa di a viola toque de queda riba 22 di maart 2020 na haltura di Santa Cruz.
09.00	R.L.	L. ta wordo acusa di a viola toque de queda riba 20 di maart 2020 den Santa Helenastraat.
09.10	A.M.	M. ta wordo acusa di a viola toque de queda riba 4 di april 2020 den Emmastraat.
09.20	J.H.	H. ta wordo acusa di a viola toque de queda riba 24 di maart 2020 den Noord Cura Cabay y riba 30 di september 2020 den vecindario di Wintergarden.
09.30	J.S.K.S.	S. ta wordo acusa di a viola toque de queda riba 25 di maart 2020 den Sabana Basora.
09.40	A.R.J.G.	G. ta wordo acusa di a viola toque de queda riba 25 di maart 2020 den Johan de Wittstraat.
09.50	M.S.R.	R. ta wordo acusa di a viola toque de queda riba 26 di maart 2020 den Mandolinstraat.
10.00	G.R.W.	M. ta wordo acusa di a viola toque de queda riba 26 di maart 2020 den Avenida Aloe Tromp y riba 8 di april 2020 na haltura di Madiki.
10.10	R.R.P.G.	G. ta wordo acusa di a viola toque de queda riba 26 di maart 2020 na Seroe Patrishi.
10.20	A.R.T.	T. ta wordo acusa di a viola toque de queda riba 27 di maart 2020 na haltura di Bar A Bar.
10.30	R.L.G.W.	W. ta wordo acusa di a viola toque de queda riba 27 di maart 2020 na haltura di Royal Funeral Home.
10.40	A.G.H.J.	H.J. ta wordo acusa di a viola toque de queda riba 27 di maart 2020 den Indianenweg.
10.50	W.L.W.S.	W.S.. ta wordo acusa di a viola toque de queda riba 24 di maart 2020 den Apelsinaweg.
11.00	D.D.A.	A. ta wordo acusa di a viola toque de queda riba 26 di maart 2020 na haltura di Rooi Koochi.
11.10	A.H-F.P.	P. ta wordo acusa di a viola toque de queda riba 25 di maart 2020 na haltura di Balashi.
11.20	E.E.W.	W. ta wordo acusa di a viola toque de queda riba 25 di maart 2020 na haltura di Hooiberg.
11.30	S.I.A.	A. ta wordo acusa di a viola toque de queda riba 25 di maart 2020 den vecindario di Sividivi Restaurant.
11.40	J.J.R.	R. ta wordo acusa di a viola toque de queda riba 24 di maart 2020 den Semeleerstraat.
11.50	A.F.F.	F. ta wordo acusa di a viola toque de queda riba 24 di maart 2020 den Caya Ernesto Petronia.

E eleccion di 21N ta pa 23 Gobernador y 335 Alcalde

Otro partidonan di oposicion ya na december 2020 a participa na eleccionnan di Asamblea General (Parlamento), na Venezuela.

E dirigente di e partido AD, Ramos Allup, vocero di G4 ta bisa awor: Oposicion sa cu tin un salida for di situacion actual t'e eleccion di 21N y negocia cu Gobierno Maduro.

Tambe el a bisa cu tin hendenan ta pintando situacionnan ficticio pa sali for di situacion. Nos mester biba cu e realidad y no kere den fantasia.

Un critica dirigi na Guaido, kende apesar cu su partido ta den G4, no ta comparti e opinion di G4, pa negocia na Mexico y bay eleccion 22N., segun analisis di Gregorio Wolff.

Dia 31 di augustus ultimo e partidonan di 4G pa medio di nan vocero



Gregorio Wolff

Ramos Allup a declara oficialmente cu nan ta bay eleccion di N21 bao di e nomber Plataforma Unitaria, hunto cu otro partidonan di oposicion cu ya a bay eleccion na 2020. Nan contricante sigur lo ta el Gran Polo Patriótico Simón Bolívar, consiendone di PSUV y algun otro partido di Izquierda.

Negociamento na Mexico

Na Mexico dia 13 augustus a inicia e negociacionnan durante 3 dia entre Gobierno Maduro y Oposicion den G4. Gobierno su team ta consisti di 9 persona, di cual Presidente di Asamblea General Jorge Rodrigues ta vocero. Pa G4 tambe 9 persona, vocero ta Bleide.

Na final di prome encuentro a firma un memorandum cu Gobierno y G4 ta reconoce tur e institutonan Venezolano y varios asunto mas. Reunionnan a sigui e weekend cu a pasa y a termina ayera cu dos acuerdo di Gobierno y representantenan di G4.

Prome tur a bay di acuerdo pa respalda e derecho Venezolano riba e teritorio Essequibo cu actualmnte ta forma parti di Guyana y cu tur ta para tras di e acuerdo di Ginebra di 1966 riba e disputa cu Guyana.

Di dos tur a acoorda cu Venezuela mester recupera cu prioridad e placanan di estado Venezolano riba cuentanan stranhero, pa uza e recursonan aki den e bataya contra Covid, pa adkeri mas vacuna y pa hinca placa den hospitalnan, fortalece e programanan di alimentacion y di atencion n'e pueblo di Venezuela.

Un Hulandes a firma e acuerdonan, den representacion di EU. Pues por spera cu pronto banconan y institutonan financiero di EU lo pasa tur placa di Venezuela blokia, p'e pais Venezuela.

Ta di spera cu USA y otro paisnan lo bay haci mescos. Esaki sigur lo trece un boom economico na Venezuela, segun Gregorio Wolff.



STATEN VAN ARUBA

OPENBARE VERGADERING OP 13 SEPTEMBER 2021 OM
10:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Het opmaken van een voordracht voor het Voorzitter- en Ondervoorzitterschap der Staten van Aruba voor het Zittingsjaar 2021-2022
2. Sluiting van het Zittingsjaar 2020-2021.

De Griffier,

mr. drs. Herman Ch. J. Hek

Gezien de huidige omstandigheden betreffende de Coronavirus (COVID-19) bedreiging, zal de onderhavige vergadering in afwezigheid van publiek plaatsvinden. Uitsluitend leden van de pers kunnen toegelaten worden tot de zogenaamde persboxen.

Rekening houdende met de aankondiging door de regering op 5 augustus 2021 inzake de preventie van de verdere verspreiding van het COVID-19 virus, wordt u verzocht om tijdens de vergadering zo veel mogelijk uw mondkapje op te hebben.

SUPER Do it Center.

Bo Famia Pa Semper!

**HOT
ITEMS**

OFFER VALID FROM 10 - 16 SEPTEMBER 2021 AND WHILE SUPPLIES LAST.

Weekly SPECIALS

Weekly SPECIALS



SAVE
\$0.40

Premium Deli Ham Low Sodium

\$1.59

100 GR



SAVE
\$4.00

Orange Navel

\$4.99

Per KG



SAVE
\$2.00

Tree Ripe Assorted Juices 64fz

\$6.99

Each



SAVE
\$5.00

Rib Eye Brasil

\$14.99

Per KG



SAVE
\$3.91

\$3.99

Per KG

Chicken Drumsticks



SAVE
\$3.00

Pork Belly Slices

\$11.90

Per KG



SAVE
\$3.00

Beef Cut Small Brasil

\$14.99

Per KG



SAVE
\$2.00

Minut Steak Brasil

\$15.99

Per KG



SAVE
\$3.00

\$16.99

Per KG

Entrecanto Brasil



SAVE
\$0.80

\$1.19

Per Bag

Carrots Cello 1LB



SAVE
\$1.00

\$3.99

Per Bag

Onions Yellow Medium 3LB




SAVE
\$1.00

\$5.99

Each

Cauliflower Wrapped Extra Large



EVERYDAY
LOW
PRICE

\$5.99

Each

Melon Cantaloupe Extra Large



SAVE
\$0.20

\$1.42

100 GR

Jonge Kaas



SAVE
\$2.00

Brill Loaf Assorted Sliced Cake 16oz

\$6.79

Each



SAVE
\$2.50

EE Frosted Flakes 15oz

\$3.99

Each



SAVE
\$1.00

Joy Icecream Color Cups 18ct 2.63oz

\$4.39

Each



SAVE
\$2.06

EE Crinkle Cut Fries 32oz

\$4.99

Each



SAVE
\$2.56

El Latino Salchichon Smoked Chicken 1LB

\$6.99

Each



SAVE
\$1.00

\$1.99

Each

Maggi Sauce Aroma
200gr/160ml



SAVE
\$2.00

\$7.99

Each

Goodburry Olive Oil
100% Pure 1L



SAVE
\$2.60

\$6.99

Each

Nabisco Chips Ahoy
Assorted 13oz



SAVE
\$1.10

\$2.69

Each

Snack Pack Juice Gels
Assorted 13oz



SAVE
\$0.60

\$1.25

Each

Dove Soap Bar Beauty
White 100gr



SAVE
\$2.00

\$3.99

Each

Dove Showergel Silkglow
500ml



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

E-mail: pr.polis@polis.cw

Wèpsait: www.polis.cw

Facebook : Korps Politie Curaçao

Instagram : Korpspolitie2021

Adrès: Winston Churchillweg z/n • Willemstad • Curaçao

KOMUNIKADO DI PRENSA

319 / 2021

9 sèptèmber 2021

Polis ta duna atenshon na 11 hubilario.

Djamars 7 di sèptèmber 2021, Tim di Maneho di Kuerpo Polisial Kòrsou a duna atenshon na 11 empleado di e organisashon ku den 2019 a selebrá añanan di servisio.

Debí na e pandemia no tabata posibel pa mas promé selebrá e echo aki.

E 11 trahadónan aki ku ta traha den diferente departamento i di kua tin algun ku entre tantu asta a baha ku penshun, a selebrá 25, 30, 35 i 40 aña di servisio.

Durante di e selebrashon sobrio pero di gran nifikashon, hefe di Kuerpo Polisial interino sr. Raymond Ellis, a gradisí e hubilarionan na nòmber di komunidad pa nan kantidat di añanan na servisio di komunidad.



Habrimento di frontera Aruba cu Venezuela

E acuerdo aki sigur mester ta motibo pa Hulanda y Merca duna OK pa habri frontera cu Venezuela, segun Gregorio Wolff.

Aruba conoce lasonan fuerte cu Venezuela, e t'e pais mas serca di Aruba, cuanto Arubiana(o) no tin sangernan Venezolano. E lasonan di amistad ta fuertisimo.

Nos desaroyo - economico y social cu nos conoce awe y a cuminsa mas o menos cien aña pasa, ta gracias n'e Petroli Venezolano y inversionnan di Exxon, cu e apertura di Lago. Hulanda tabata ausente.

Pues negoshinan cu Venezuela mester briya atrobe, igualmente e turismo Venezolano cu ta bon-bini. Berdura, frutanan fresco y barata ta un necesidad na Aruba.




Cu Venezuela mester yega na acuerdo con pa deal y caba cu e negoshi y trafico di ilegalnan, cual ta dañando nos mercado laboral.

Colombia ya a cuminsa negocia cu Venezuela con pa habri frontera atrobe.

APORTA NA E BIENESTAR DI ARUBA

Vacunathon na RITZ CARLTON
 11 y 12 September, 2021 di 9:00 am pa 4:00 pm
 Trece bo AZV of Paspoot

SETAR



“Señor ta mi wardador,
mi’n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23

Maria, Theresita Erasmus

Mihor conoci como ‘Chichi’, ‘Tanta
Chichi’ *19 september 1936 †3
augustus 2021

Acto di condolencia y despedida
ta tuma lugar diasabra 11 di
september 2021, unda e resto
mortal lo ta reposa for 9:00 am
den Parokia San Juan Pablo II
na Tanki Leendert.

Respons lo cuminsa pa 10:30
am y pa 11:00 am lo sali pa
santana Catolico Pastoor
Kranwinkel na Paradera



Mi Dios, Mi Señor, Mi
Salvador
Cu Bo amor infinito
tenemi den Bo braza
Ya no tin scuridad
Unicamente Bo luz
briyando

Miriam Filomena Corsen Geerman
Viuda di †Joseph Sickman Corsen
***15 augustus 1948**
†8 september 2021

Yiu stima: Madeleine Corsen y esposo
Patrick Vliege Nieto stima: Tristan
Corsen

Ta invita pa acto di condolencia
y despedida di nos defunto stima
Miriam.

Lugar : Royal Funeral Home
Fecha : diasabra 11 september 2021
Horario : 9.00 – 11.00 or mainta
(response ta cuminsa 10.30)

Despues ta compaña nos defunto stima
Miriam pa su ultimo lugar di sosiego.
Lugar: Santana Catolico Santa Maria
na Santa Cruz.

Aurora

Royal Pray

Funeral Home & Crematory



Max Ruben Robert

Cariñosamente yama Ruben ó Opa
***03-03-1941 - †03-09-2021**

Oportunidad pa condolencia,
diahuebs 09 september 2021 na
Royal Funeral Home di 7 or pa 9 or
anochi

Acto di despedida ta tuma lugar
diabierna 10 di September 2021
di 2 or pa 4 or di atardi na Royal
Funeral Home, sigui pa un response
y despues nos lo compaña nos Tata,
Ruman, Welo, Omo, Primo Ruben
pa su ultimo lugar di sosiego den
Santana den Caya Ernesto Petronia.




Alfonso R. Hernandez

Cariñosamente yama
“Nate”
***10-08-1950 -**
†25-08-2021

Ta invita pa acto di entierro cual lo
tuma lugar na Aurora Funeral Home
diasabra 11 di September 2021 di
9’or pa 11’or di mainta. Despues
lo sali pa Santana Catolico na Sta
Cruz.

Si den nos tristesa nos por a
lubida un of otro miembro di famia
nos kier a pidi nos disculpa di
antemano.

Despues di entierro nos no ta ricibi
bishita di condolencia na cas.



Laga tur loke ta spera mi
ta bunita
Laga tur locual cu mi
encontra na caminda ta
bunita
Laga tur locual cu mi laga
atras keda bunita y
Laga esakinan termina
den tur buniteza.

Sr. Rafael Nieto Rubio

***02-12-1964 - †04-09-2021**

Acto di entierro lo wordo
anuncia despues



“Señor ta mi wardador,
mi’n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23

Cu profundo tristesa na nos curason,
pero conforme cu Dios su voluntad
nos ta anuncia fayecimento inespera di
nosquierido

Casa, Tata, Welo, Omo:
Maximo Werleman

Mihor conosi como MAX
***26- Febr -1948 + 07- Sept- 2021**



“Señor ta mi wardador, mi’n
tin falta di nada
Den cunucu di yerba berde e
ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristesa pero conforme
cu voluntad di Dios, nos ta
participa fayecimento di nos stima:

Sra. Maria Francisca Lampe
“Marucha”
***29-01-1947 - †08-09-2021**

Acto di entierro lo wordo
anuncia despues



"Señor ta mi wardador,
mi'n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa".
Salmo: 23

Sra. Ramona A. Fernandez

Cariñosamente yama

"Agripina of Pina"

***31-08-1942 - †04-09-2021**

**Ta invita pa acto di entierro cual lo
tuma lugar na Aurora Funeral Home
diabierna 10 di September 2021
di 2'or pa 4'or di atardi. Despues
lo sali pa Santana Central Sabana
Basora.**

**Condolencia lo tuma lugar na
Aurora Funeral Home diahuebs 9 di
September 2021 di 7'or pa 9'or di
anochi.**

Gradicimento



Di profundo di nos
curason nos ta
gradici tur hende
cu di un of otro
manera a muestra
atencion, amor y
cariño durante
bida, fayecimento y
entierro di nos

querida mama, suegra, wela, ruman,
tanta y amiga:

Sra. Felecita Croes-Laclé

Mihor conoci como "Sita"

Boso muestra di atencion ta di hopi
aprecio y un gran sosten pa nos. Un
danki na un y tur cu a manda carchi,
krans, whatsapp, email y a hasi
yamada nan telefonico.

Tambe na Aurora Funeral Home pa cu
su bon servicio y atencion.

Alabes nos kier a invita tur hende
pa 3 Santo Sacrificio di misa cual lo
tuma lugar na Misa Sta Filomena na
Paradera.

Diasabra 11 september 2021
pa 7'or di anochi

Diamars 14 di september 2021
pa 7'or di anochi

Diahuebs 16 di september 2021
pa 7'or di anochi

Boso muestra di atencion tabata un
gran consuelo pa nos.



"Dios ta amor... y amor ta
Dios,
maske mi no ta na e mundo
aki, tur dia lo mi ta banda
di boso Curazon, mi por
stens di loke Señor ta hasi"
Salmo 33

Sra. Ros LLuydens

***19-01-1952 - †08-09-2021**

**Acto di entierro lo wordo
anuncia despues**



Ki alegria, ora nan a
bisa mi:
"Ban cas di Señor!"
I awor, ata mi aki para na
bo porta Señor.
Salmo 122

**Cu dolor na nos curason, nos
ta participa fayecimento di
nos ser stima:**

Sr. Theodoro F. Fingal

Cariñosamente yama "Dodo"

***17-03-1934 - †09-09-2021**

**Acto di entierro lo wordo
anuncia despues**



**Lucia Otilia Geerman-Croes.
"Mama Una / Ma Ucha"**

Diabierna 10 September 2021

**tin condolencia di 7pm pa 9 pm
na Royal Funeral Home.**

**Acto di entierro lo tuma lugar
diasabra 11 September 2021,**

**nos ser stima lo ta reposa
di 2pm - 4pm den Iglesia**

**Inmaculada Concepcion despues
pa santana catolico Santa Maria.**

Gradicimento / Invitacion



**Sr. Guillermo R.
Korsen
Cariñosamente
yama "Mooi"**

Boso muestra di
ateazncion ta di
hopi aprecio y un
gran sosten pa nos.

Un danki na un y tur cu a manda
carchi, krans, whatsapp, email y a
hasi yamada nan telefonico.

Especialmente na Stichting Koningin
Wilhelmina Kanerfonds, Fundacion
Dominicana, Dr. Petronilla, Dr. John
Croes, , Raquel Korsen, Noraima
Polina, Rita Ridderstap, Andres
Camala, Maria y Sandra
Tambe na Aurora Funeral Home pa
cu su bon servicio y atencion.
Boso muestra di atencion tabata un
gran Consuelo pa nos.

Alabes nos kier invita pa 3 Santo
Sacrificio di misa cual lo tuma lugar
na Misa Pro cathedral San Francisco
na Playa:

Diasabra 11 di septemeber 2021
Diamars 14 di september 2021
pa 7'or di anochi

Diabierna 17 di september 2021
pa 7'or di anochi

Boso presencia lo ta altamente
aprecia

CORSOU

Skolnan ta keda guiá pa dòkter huntu ku tim di krisis

WILLEMSTAD – Minister di Enseñansa, Siensia, Kultura i Deporte sr. Sithree ‘Cey’ van Heydoorn ta informá ku tur skol ta keda guiá pa un dòkter speshal huntu ku tim di krisis. Situashon di Covid-19 ta keda monitoriá huntu ku direktivanan di skol, kabes di skol i dosentenan. Ta tene tur medida di prekoushon den e skolnan conforme protokòl.

Tur medida di prekoushon ta deskribí den e protokòlnan pa skol. Ta bon pa tene kuenta ku tur skol ta traha huntu ku nan direktiva di skol pa kumpli ku tur protokòl di e mihó forma. Tin un dòkter speshalmente asigná na kada direktiva di skol i e skolnan, ku ta yuda guia na momentu ku konstatá Covid-19 na un skol. Esaki ta forma parti integral di e tim p’asina yuda guia e proseso. Tur situashon ku presentá na skolnan tin e atenshon nesesario di e tim di EPI huntu ku Sektor di Enseñansa i Siensia. Skolnan ta tuma kontakto ku e tim via di nan Direktiva di skol i huntu ku e tim ta tuma desishon pa ku e situashon di e skol òf grupo kaminda tin kontagio.

E punto di salida ta ku no ta sera skolnan, pero ta evaluá e situashon i wak kon ta hasi pa sigui ku enseñansa. Esaki teniendo kuenta tambe ku e posibilidat pa tene enseñansa di forma virtual. Pa mas informashon di Covid-19 na skol por klek aki i tuma nota di e protokòlnan: www.gobiernu.cw/protokol. Alabes ta hasi un yamada na tur mayor pa si den kaso ku e mayor mes òf e yu tin síntomanan relashoná ku Covid-19, pa no laga e yiu bai skol. Tuma kontakto ku bo dòkter di kas i evitá di sali fo’i kas. Na mes momentu ta pidi pa informá skol den kaso ku e mucha òf familiar ta kontagiá ku e vírus di Corona.

Minister di Enseñansa, Siensia, Kultura i Deporte sr. Sithree van Heydoorn ta informá ku huntu ku tur ‘stakeholder’ ta guia e trayekto. P’e motibu akí por indiká ku no tin motibu pa pánico na e skolnan, ni den enseñansa. Ta huntu nos ta bibando, reinventando i kreando den nos enseñansa kaminda e mucha ta sentral.

Hues mester a kai aden.....

Dos ruman na Caracas no ke koperá pa ehekutá testament di ruman difuntu

WILLEMSTAD - Dos ruman di un famia ku ta biba na Caracas no ta hasiendo kaso di desishon di Korte pa nan duna señal di bida i koperá ku nan ruman na Kòrsou pa bende propiedat di famia riba kual nan tur tin derecho den e repartishon.

E ruman ku a bandoná mundu aki na aña 2018 no a laga testament i ta via Korte mester fòrsa un desishon pa bende e propiedat i prendanan dje difuntu p’e ruman na Kòrsou reparti e produkto di benta ku su rumannan na Caracas. Ademas ku e difuntu èks esposo dje ruman na Kòrsou tambe tin derecho riba e sèn ku e benta produci.

Problema ta ku e dos rumannan na Caracas no ta reakshona riba e invitashon ni riba òrdu di Fiskal ni di Hues.

Komo ku awendia tin medionan moderno pa komuniká ku hende te na Alaska i sigur Caracas, deurwaarder a manda konvoká nan via e mesun e-mail ku den pasado el a uza pa konektá ku e dos rumannan na Caracas.

Dia e huisio sumario a tuma lugar den Korte na Kòrsou luna pasá, Hues kaso a dikta ku e ta duna e dos rumannan na Caracas un luna di tempu pa nan reakshoná i e ultimatum aki ta vense dia 16 di e luna aki. O sea ku tempu ta pèrta.

E difuntu tabatin tres ruman, un na Kòrsou i dos na Caracas, pero el a muri sin traha testament i e no tabatin yiu i aparte di esei e no tabata kasá mas dia el a muri. Te tres rumannan te uniko herederonan dje difuntu.

Korte a dikta ku residensia dje difuntu i su èks esposo riba kual tin hipoteka, ta bai pa e èks esposo kende sí ta na bida i kende awor tin ku paga e tres rumannan NAf 45.719,65.

Dia e èks esposo paga e tres rumannan, e ta bira doño di e kas i por registrá e kas na su nomber pasobra el a keda ku e parti mas grandi dje propiedat i mester kompensa e tres rumannan.

E difuntu a laga un par di kos mas atras manera muebles i prenda i akshon

Nèt un aña despues di divorsio.....

Merikano bibá na Kòrsou a pidi Korte pa prohibi su èks kasá bai Merka ku su yiu

WILLEMSTAD - Semper ora tin problema entre hende grandi t'e muchanan ta bira viktima i resientemente tabatin un kaso tipiko asina aki na Kòrsou di un pareha Merikano ku nan matrimonio a kibra den baranka i awor ku e muhé ke bai Merka bèk, e tata no ke lag'e bai ku e yiu mas chikitu.

Ayera a hasi nèt un aña ku e pareha di Tennessee i ku tabata biba temporalmente na Kòrsou, a haña nan divorsio den Korte. Awor, haña divorsio den Korte ta dañá, si no registra e divorsio na Kranshi denter di seis luna, e divorsio ta kaduká.

Na aña 2017 e pareha a haña un yiu i tur dos mayor ta enkargá ku responsabilidadat pe yiu.

Dia 23 di yuni e señora a buska un dokumento ku ta duné tutelahe riba e yiu asina ku e retorná Merka.

Esei pasobra den e desishon di Korte a referi ne hecho ku ambos mayor tin intenshon di muda pa Merka i ku Voogdijraad pa tuma un desishon ora ku tur detaye p'e repatriashon ta kla.

E mama a keda konfirmá komo tutor dje yiu mas chikitu (e tin dos otro yu di un anterior matrimonio).

Na yuni e abogado dje homber a informá e mama ku e no mag buska kontakto ku e homber riba kual e señora a manda bisé ku dia 5 di augustus lo e biaha ku American Airlines ku su yiu mas chikitu i e dos yiunan mas grandi pa Nashville via Miami.

Mesora e homber a bai Korte pa pidi Hues pa prohibi su èks señora pa biaha pa Merka sin su pèmit pa haña tempu pa yega na otro areglo di tutela.

Den Korte e homber Merikano a splika Hues ku e no por laga e mama bai ku su yiu, pasobra e tin asuntunan importante di regla p'e yiu i si e mama bai kune, e tin miedu ku e no ta mira su yiu mas.

El a atmiti ku te ainda e tin plan pa remigrá bai Tennessee, pero e muhé a tira un atrako riba dje ku su biahe repetino.

Ta un dia promé ku e mama a biaha pa Merka e muher a informé di su biahe i no a duné ningun dato unda e ta bai biba ni kua skol e ta bai na Tennessee.

Den Korte e señora a duna Hues e datonan i a konfirmá ku e lo laga e homber tin bon relashon ku su yiu chikitu kaminda e yiu por ta un siman serka e mama i otro siman serka e tata.

E tutor di gobiernu a splika Hues ku lo kumbini bienestar dje yiu si e biaha ku su mama i ku no tin motibu pa psponé e biahe.

Hues tambe a bai direktamente di akuerdo ku e posishon aki i a splika e señora ku e ta liber pa ki ora ku e ke e por biaha pa Merka ku su yiu.

Esaki no mester stroba repartishon di bienes igual ku e no ta stroba aregлонan ku tin ku hasi na Kranshi.



Invitacion pa e Triduo na Honor di Señor de los Milagros di Buga y Mama Maria Dolorosa



Cu confiansa y fe den Señor de los Milagros di Buga

Grupo di nobena y Cas di Oracion "Cu Confiansa y Fe den Señor de Los Milagros di Buga" bou guia di Filomena Croes - Krozendijk, Glenda y Shon Pe Krozendijk y nos lidernan Spiritual Reverendo Pastoor Jozef Pelc y Reverendo Diacono, Michael Nicolaas, ta invita tur fiel deboto, parokianonan y pueblo di Aruba en general p' asisti na e triduo na honor di Señor de Los Milagros di Buga y Mama Maria Dolorosa na Misa Birgen di Fatima na Dakota, cuminsando diasabra 11 september 6'or atardi, diadomingo 12 pa 5'or pm y dialuna 13 pa 6'or pm.

Triunfo di e Cruz Glorioso y Fiesta di Señor de Los Milagros di Buga y Mama Maria Dolorosa ta wordo celebra diamars 14

september 2021, cuminsando cu resamento di Santo Rosario pa 6'or y 20 di atardi, sigi pa un Santo Sacrificio di Misa Solem pa 7'or anochi. Canto y música ta na encargo di Coro Santa Famia.

Encarecidamente nos ta suplica pa mantene e reglanan vigente di DVG: mondkapje / tapa boca ta obligatorio, usa handsanitizer y corda sigi e instruccionnan di Ushers den misa y no aglomeracion pafor despues di misa.

Señor de Los Milagros, nos ta pidi Bo cu intercesion di nos Mama Maria Dolorosa pa elimina e pandemia aki p'asina paz y tranquilidad por reina ariba henter mundo y especialmente ariba nos dushi país Aruba. . AMEN.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL

BONERIANO®

EDITOR:
Bonaire Communication Services N.V.

Djaweps 9 sèptèmber 2021 | Preis:\$1.00

MALEKON MESTER DI ATENSHON

‘Sinnerz
WMC’ di
ARUBA na
Boneiru

'Mens Erger je Niet' na parkenan den Antriol

**Mantenshon
na edifisio
di gobièrnu**

**Interes
pa hasi
tèst a
subi**



Den kuadro di Dia di Himno i Bandera di Boneiru, Fundashon Antriol Avanti a organisá un dia kaminda por a partisipá na un torneo di ‘Mens Erger je Niet’. E torneo no por a tuma lugá debí na áwaseru ku a kai durante e fin di siman i stroba e preparashon, ku tur e konsekuensia. Pero tabatin sí enkuentronan amistoso.



Despues di brote nobo di Covid-19

Interes pa hasi tèst a subi

KRALENDIJK—E interes di siudadanonan di e isla aki pa hasi tèst a subi hopi, despues ku siman pasá a surgi un brote nobo di kontagio ku Covid-19. Siman a habri djamars,

despues di ‘Dia di Boneiru’, ku fila largu di outo riba e espasio di parkeo dilanti Stadion.

Di parti Salubridat Públiko, debí na oumento di kaso nobo di Covid-19, ku

a asta surpasá 70 kaba, a sali yamada pa tur persona ku ta sintiendo síntomanan ku por ta indiká Covid, pa bai tèst. Entre otro tosamentu, nister, ninishi ta kore awa, kentura etc.’

E yamada aki a surti efekto. Por mira esaki na e kantidat grandi di outo den fila riba e tereno pa nort di e edifisio di Salubridat Públiko, na unda por akudí pam hasi tèst.

Manera ta konosí, desde siman pasá tin un brote nobo tresé pa e selekshon di futbòl boneriano ku a partisipá na enkuentro na Santo Domingo.



Suavisashon di medida despues di 20 sèptèmber

DEN HAAG/ KRALENDIJK-- E fecha 20 di sèptèmber ku lo mester ta e fecha riba kual Hulanda lo a suavisá medidanan ta demasiado lihé. Sinku dia despues di e fecha ta kalkulá ku e gabinete demisionario lo suavisá e medida di distansia sosial, esaki segun fuentenan den área di Binnenhof.

Gabinete a skohe dia 20 ku e vishon ku e siguiente stap pa suavisashon lo mester drenta na vigor pronto. Despues ku eliminá distansia sosial, por deshasí tambe di tapaboka den transporte públiko, regla di registrashon di horeca i tambe trahamentu na kas. Debí ku mester ahustá e lei e implementashon ta

dura largu. Aparte di esaki ministernan ke, pa laga e implementashon kana bon, pa kuminsá pidi bishitantenan `corona -toegangbewijzen`.

No ta konosí ainda si e gabinete demisionario ta mantené 1 di novèmber komo último parti den e plan pa habri e pais bek pa aktividatnan por kontinuá.

Botika lo habri bèk

KRALENDIJK — Despues di tabata será den fin di siman, botika Mariadal pronto ta bèk den servisio.

Mester bisa ku basta ta esnan ku a yama nos ofisina hanshá i preokupá puntra kiko ta pasando.

BONERIANO a buska kontakto ku bosero di Mariadal, Javier Semeler riba e asunto aki. “Bèrdat nos tabata será, pero nos portanan di botika lo habri bèk pa

risibí pueblo di Boneiru.”

Semeler ta splika ku tabata trata aki di falta di personal ku a opstakulisá kosnan un ratu, pero entretantu nan ta kasi remediá esaki.

Durante dlanan ku e Botika tabata será, pashèntnan por a bai na botika Korona pa tuma nan resèpt.

Banda di dos botikanan aki, ku ta kai bou di Fundashon Mariadal, tin tambe Botika Sabana, ku ta un botika partikular.

Amsterdam ke honra Peter R. de Vries ku un kaya

AMSTERDAM/KRALENDIJK—Munisipio di Amsterdam ta investigando e posibilidatnan pa nombra un kaya na Peter R. de Vries.

Asina alkalde Femke Halsema e duna di konosé djaweps tras di lomba durante enkuentro ku komishon di asuntunan general.

‘Denk i ‘Partij voor Ouderen’ ke pa nombra un kaya na honor di de Vries, kende riba 6 di yüli a risibí algun tiru ku a result’é fatal despues di un siman.

Normalmente ta despu-

es di sinku aña ku un persona a fayesé, e ta bini na remarke pa haña un kaya dediká na su nòmber.

Pero e munisipio ta bai hasi un eksepsion den e kaso aki. Banda di Amsterdam, Aalsmeer tambe a duna di konosé di ke rindi tributo na e defuntu.

Partij voor de Ouderen ta proponé pa kambia nòmber di Lange Leidse-dwarsstraat unda a dispará de Vries, den Peter R. de Vriesstraat.

“Gran parti di su bida el a biba den Amsterdam i aki

tambe na un manera kruel a pone un fin na esaki”, asina lider di frakshon Wil van Soest a duna di konosé.

Morto

Peter R. de Vriesstraat mester keda un rekuerto di e lucha di kua de Vries tabata para na su inisio i mester a paga ku su bida. Partij voor Ouderen ta enfatisá ku e dos yunan di e defuntu, mester duna lus berde pa esaki.”

E desishon final ta den nan man, van Soest ta finalisá bisando.

PARTISIPASHON

Parokia La Birgen di Coromoto ta partisipá orario i aktividatnan pa e siman aki

Djaweps 9 di sèptèmber:

Santu Sakrifisio di Misa 19:30 pm. (papiamentu)

Djasabra 11 di sèptèmber :

Santu Sakrifisio di misa: 18:00 (ingles) i 19:30 pm. (papiamentu)

GRADISIMENTU I INVITASHON

Yu, nietanan, bisanietunan i demas famia di e defuntu

Viola Martinus

kier a gradisi un i tur ku a mostra atenshon na ora di morto i entierio di nan defuntu stimá.

Ta invitá na 2 santu sakrifisio di misa pa deskanso di alma di nan kerida defuntu, djasabra 11 i djadumingu 12 sèptèmber pa 7’or anochi na misa San Bernardo na Playa.

Aseptá esaki komo un invitashon personal.

Edukashon tékniko den Karibe Ulandes a modernisá materialnan di edukashon na SGB

KRALENDIJK-- E edukashon tékniko bou di islanan Ulandes Karibense ta hasi un yamada na interesadonan manera adolescente i hóbenan adulto pa bin praktiká ingenieria. Den konekshon ku e tema di teknologia, djabièrnè último un outo elektróniko a ser entregá na Sr. Joost Wilterdink dosente di Transport i Mobilidat. Esaki ta permití Sr. Joost Wilterdink pa transmití su konosementu di un manera moderno i atrak-

tivo i dediká su mes riba e studiantenan den su área di kresementu i edukashon di estudio.



Riba e potrèt na man robes pa man drechi ta bisto: Sr. Joost Wilterdink, dosente di Transport i Mobilidat SGB; Sr. Frans van Efferink, Direktor general di SGB; Sr. Elton Johnson, lider di programa STO Ulandes Karibense SGB.

Juan 11:25 "Jesus a bis'é: Ami ta e resurekshon i e bida; esun ku kere den Mi lo biba, maske e muri."

Agradesido pa tur e momentonan bunita i dushi ku e ta laga tras pa nos, ta partisipá ku a bai nos dilanti :

Emmaly Elizabeth Roch-Cicilia

***7-10-1972**

† 6-9-2021

su kasá:

Alvin 'Juchi' Roch

su yunan:

Jerson Cicilia

Evion Roch

Menaishely Roch

su rumannan:

Mereline (Lien) Cicilia

Nataly (Nettie) i Gustavo Cañari-Cicilia

Ann i Etienne Marchena-Cicilia

Joamine(Joamy) i Jesus Villanueva-Coffie

Shairo Emerenciana

su suegra i suegro:

Deonisia i Marcial Roch-Martina

su tantanan:

Jessy Djaoen-Thode, Niteke Jacobs-Cicilia, Migalla Cicilia, Irma

de Graaf-Cicilia, Sybel Hollander, Lotty Thodé, Liska Sanchez

Louis(Chiki) Cicilia, Wilhelmus 'Willy' Cicilia, Wilson Cicilia, Mario

Cicilia, Gabriel 'Toontje' Cicilia, Rudy Priest, John Frans, Ludovico

'Kabuya'Frans, Mirto Martins,William(Willy) Cicilia, Jacintho Cicilia,

Cleo Cicilia, Antonio(Toontje) Cicilia, Tirso Cicilia, Wim Thode, Jimmy

Thodé, Adley Nicolaas, Betty Nicolaas i Rodney Thodé

su tionan:

: Maria i Henri Nicolaas

su tanta i tio grandi

: Charles Roch, Cedric Roch i Marcel Roch

Su

: Mayo 'Noya'Emerenciana stimá

Tur ku nan respektivo famia.

Subrina(o)nan: Carlos Barrios i ruman, Robert Marchena i rumannan, Michelle-ann

Arrindel i rumannan, Joaquina Villanueva i ruman, Shaipphira Emerenciana i rumannan

Prima(o)nan: Judessa Janga-Frans i ruman, Anita Frans i ruman, Madeleine (Lientje)

Frans i rumannan, Helouise Verstraete-Cicilia i rumannan, Tania Clark i rumannan,

Herby(Urbi) Cicilia i rumannan, Lysandra Cicilia i rumannan, Quincy Jacobs i rumannan,

Jennifer(Nina) Cicilia i rumannan, Antoinette (Netty)Cicilia i rumannan, Ardley Dirksz,

Sheilin Goeloe, Jastron Cicilia i rumannan, Cleoson Cicilia i rumannan, Tirson Sint Jago

i rumannan, Deka Cicilia i rumannan, Lea Lau i rumannan, Giovanni Frans i rumannan,

Meredith Nicolaas i rumannan

Su amiga(o)nan, bisña- i konosinan.

Demas famia: Cicilia, Roch, Marchena, Cañari, Barrios, Villanueva, de Graaf, Jacobs,

Janga, Martins, Bernabela, Frans, Djaoen, Thodé, Stede, Clark, de Palm, Arrindel,

Steward, Kock, Felida, Nicolaas, Martina, Dirksz, Verstraete, de Lanoy, Emerenciana,

Josephia, Calmero, Mariana, Balentin, Wanga, Paula, Daal, Priest, Anthony, Lau,

Hollander, , Sanchez i Rozenkrans.

Nos ta sigur tin mucho mas hende ku Emmy tabata speshal pa nan.

Despensa nos den nos doló si nos a keda sin menshoná bo.

Prome ku dia di entiero ta risibi bishita di kondolensia djaweps 9 sèptèmber entre 7'or pa 9'or anochi na Consuelo Memorial.

Entiero ta tuma lugá djasabra 11 sèptèmber saliendo for di Consuelo Memorial pa santana katóliko. Ta risibi bishita di kondolensia for di 1'or pa 3'or, sigui pa un respons. Por favor asisti na trahe alegre.

Despues di entiero NO por risibi bishita di kondolensia na kas.

Nos ta sigui kuida i ta pidi pa mantené bo mes na e reglanan di Covid. Bisti bo tapaboka!

GRADISIMENTSU I INVITASHON

Esposo i yunan di e defuntu

Hendrina Thomas-Francees



kier a gradisi na tur ku di un of otro manera a mustra atenshon na ora di malu, morto i entiero di nos kerida esposa i mama.

Un danki ta bai na tur ku a manda mensahe via medionan social i yamadanan via telefon.

Boso atenshon tabata di gran sosten i konsuelo pa nos durante e temporada difisil aki.

Danki pa e kombibensia komparti ku nos famia ku ta duna nos forsa pa sigui padilanti.

Nos ta invitá na dos santo sakrifisio di misa pa deskanso di alma di nos defuntu na Parokia La Birgen di Coromoto djasabra 11 i djaweps 23 di sèptèmber pa 7.30 anochi.

Asepta esaki komo un invitashon personal.

BENTANA DI BÈRGWENSA



P BIA
KORONA INTERNATIONAL AIRPORT

PARKING RATES
Machine accepts USD only

PARKING TIME	YOU PAY
0 - 30 minutes	\$ 1.00
31 - 60 minutes	\$ 2.00
Each hour thereafter	\$ 1.00

MAXIMUM RATES

P SHORT TERM Parking	\$13.00 per day
P LONG TERM Parking	\$ 8.00 per day

LOST TICKET FEE: \$100.00

E bòrchi aki ta poné den terminal di Aeropuerto Flamingo. E teksto ta pa indiká ku si un persona ku a stashoná outo na aeropuerto pèrdè e karchi ku ta sali for di e mashin na entrada, e mester paga 100 dòler. Kier men ku si bientu kue karchi bai kuné, un shofùr di edat ku a lubidá su karchi kualké kaminda, mester paga e suma di 100 dòler aki for di su penshun di 600 dòler pa luna. No por! Ta un inhustisia grandi. Pa e motibu aki BIA ta keda den nos PÁGINA DI BÈRGWENSA te ora kambia e regla aki!

Mantenshon na edifisio di gobièrnu

KRALENDIJK -- Trabounan di mantenshon ta tumando lugá na ofisina sentral di gobernashon di Boneiru. Ta trata di un edifisio di hopi aña, esta añanan kuarenta di siglo 19. Masoménos 180 aña bieu, un edifisio ku a sirbi te ku masoménos 1963 komo kas di gezaghebber di Boneiru.

E edifisio aki su balor

histórik-monumental di mes ta hopi grandi. E último gezaghebber ku a biba su periodo kompletu den e edifisio aki tabata Anton van Hesteren.

Gezaghebber Elias Morkos tabata esun promé ku a habitá e residencia ofisial aktual di gezaghebber, ku awendia Edison Rijna komo habitante.

Komo ku ta trata di un edifisio bieu, konstruí di piedra natural, hasiendo uso di kalki den su konstrukshon, e ta eksigí hopi mantenshon.

Kalki ta prosená ku piedra di laman, riba kua pa kolmo tabata basha awa salu riba dje despues, loke awendia ta produsí salu na e murayanan.



Fila na pòmpanan di gasolin



E dianan ku a pasa tabatin diferente fila di outo na pòmpanan di gasolin. E foto aki ta musta vehíkulonnan riba kaya na e stashon di Mentor. Tabatin hopi vehíkulo riba kaya den fin di siman. Ademas mester tene kuenta ku e pòmpanan di Gas Èksprès, debí na trabou na Kaya Neerlandia, ta difísil aksesibel.

Introdukshon 'Bon Kompra'

KRALENDIJK – Direktorado di Espasio i Desaroyo e aña ku ta bini ta bai traha hopi di aserka ku Ministerio di EZK i e bont di konsumidó UN-KOBON, pa ehekutá un forma di maneho di preis pa un makutu di produktonan básiko, den e liña di e konsepto 'Bon Kompra' di

pasado ahustá.

Meta di e medida aki ta un makutu pagabel ku ta optenibel den tur supermarket.


Te ainda e kostonan pa e ehekushon ta kubrí via di un supsidio di Minister di EZK i no ta spera gastu adishonal pa Entidat Públiko Boneiru.

Institushon maneho di pobresa

KRALENDIJK – E punto di referensia pa e eksistensia mínimo ainda n a keda stipulá dor di Reino. Entidat Públiko Boneiru ta usa sí e mínimo stipulá, saliendo for di e sumanan for di e investigashon ku Regioplan a hasi na 2018 ku Kolegio Ehekutivo a akordá.

Pa e presupuesto di 2020 ku Kolegio Ehekutivo a stipulá un suma di 502.957 dòler pa institushon di maneho di pobresa.

Na 2022 ta sigui ku e kombersashonnan relacioná ku e nivel di provision. Den e di dos kuartal di 2022 lo stipulá e maneho di pobresa.



Robert Maduro
Music Vibes

BròKèS 93.5 FM
Skuch'è

Djasabra 11or am - 1or pm
Djadumingu 10or am - 12or pm
WhatsApp; +297 742 1812
Radio BròKèS 93.5 Boneiru
<http://brokes935fm.radio12345.com>



Galiña ta moviendo liber yen di kaminda na Boneiru. Asta den kurá di Liseo Boneriano tin un krio di galiña ta move. Den kurá di Vila Maria Goretti tambe. Mi ta kere ku nan ta desendiente di un krio di galiña ku mi besina tabatin añanan pasá, pero ku despues el a deskuidá. Nan a pone webu den besindario, puitu a sali, poniendo ku awendia nan ta tur kaminda.

Nan ta kana 'scharrel' aki i aya, tambe den kurá di pastori di Coromoto. Pa esnan ku no sa, mi ta besina di pastor di Antriol. Pa algun aña pastor Baak a biba na e pastori aki. Mi tin impreshon ku Baak tabata duna e galiña aki kuminda den su kurá. Ta galiñanan 'orea largu', anke kasi no por mira nan orea. Pero nan oreadan ta largu sí, pasobra nan no tin doño.

'Orea largu' ta un ekspreshon ku boneriano ta usa pa kabritunan sin marka na nan orea. Pues ku nan no tin doño. Kon e ekspreshon aki a nase mi no sa. Pero asina ta yama nan, teniendo kuenta sinembargo ku tin tambe kabritu ku físikamente ta orea largu, pero ku materialmente no ta orea largu. Spera ku boso por sigui mi.

Pa bin bèk riba pastor Baak, nan ta bisa ku promé ku el a bandoná e parokia aki pa bai biba i traha na Kòrsou, el a trèk un bon sòpi ku un dje gainan ku tabata forma parti di e krio aki. Asina el a kue forsa pa enfrentá su reto nobo na nos isla ruman. Un kos, fo'i dje dia ei no tin gai pa kanta ora ku apòstel Pedro a nenga pa di tres biaha ku e tabata konosé Hesus.

Ya pa algun dia kaba mi ta tende un 'gai' ta kanta tur kaminda den mi kurá. Un par di dia pasá m'a sali i ripará ku ta un galiña ta kanta manera gai. Mi ta pensando un manera pa gara e galiña-gai pretu aki, kisas un 'mafundia', pa kri'é. Pasobra bo no ta topa ku un galiña mafundia tur dia. Pues un asina yamá "collector's item". Mi a habri kaseria riba dje. Mi ta tene boso na altura di e desaroyonan.

MALEKON MESTER DI ATENSHON

KRALENDIJK – Malekon di Boneiru, un fasilidat di kua bonerianonan ta orguyoso, mester di atenshon. Basta palu a muri. Tambe tin banki kibrá. Ta bon pa gobièrnu hasi algu na mantenshon di Malekon.

Malekon a keda konstruí bou di responsabilidad di un gobernashon di Demokrat.

Solamente e último parti, ku a inklui remodelashon di Parke Wilhelmina, a sosodé bou di responsabilidad di UPB.

Tempu ku a krea e asina yamá 'landscaping' na Malekon a hasi uso di palma di komo i algun palu endémiko, manera botonsia i algun otro. Por mira ku e

palunan endémiko mayoria a keda bon, pero ku e palunan di koko pa gran parti a muri.

Loke tambe a logra den pasado tabata pa protehá algun palu ku tabat'ei kaba. Entre otro un palu di kuihi yamá 'Palu di Kadua', pasobra e hòmber di Nort di Saliña (Evertsz) tabata hala su boto bou dje palu aki. Tambe tabatin 'Palu di Roberto', refiriendo na Roberto Thodé, otro piskadó

di Playa Pabou mes.

Hopi hende ta usando Malekon pa kana den forma di hasi ehersisio òf simplemente pa disfrutá di bahada di solo. Por ripará esaki mainta i atardi mas tantu. E ta hopi usá tambe pa turista.

Unabes ku e palunan di koko a muri, por pensa den direkshon mas tantu di palunan endémiko, manera e diferente sortonan di pal'i mangel, ku ta ideal den serkania di kosta.



Presupuesto 2022

55 Mil pa Diálogo Sentral

KRALENDIJK – Kolegio Ehekutivo a presupuesto 55 mil dòler pa Diálogo Sentral. Entidat Públiko Boneiru ta un di e partidonan den Diálogo Sentral, e órgano di konsulta di dunadónan di trabou, sindikato, gobièrnu lokal i Kámara di Komersio, den kua dia 16 di aprel 2021 a yega na e akuerdo di Kralendijk.

Esaki ta un resultado konkreto for di e kuadro amplio di maneho komunitario ku a stipulá dia 17 di febrüari 2020 den Diálogo Sentral.

Diálogo Sentral ta boga pa un esfuerso di mas aña, ku ta konsentrá su mes riba

e área di ekonomia, merkado laboral i siguridat sosial i kombatimentu di pobresa.

E órgano ta hasi esfuerso riba tereno di ekonomia pa promoshon di diversidat ekonómiko, pa kibra ku e dependensia di turismo.

Banda esei, e órgano ta hasi su esfuerso pa un oumento mas aleu di salario mínimo legal riba tereno di merkado laboral, ku atenshon pa e karga finansiero di e dunadó di trabou.

Riba tereno di maneho di pobresa, e órgano ta hasi su esfuerso pa reforsá e medionan i posibilidatnan pa e maneho di pobresa insular.

Sifranan COVID-19 | Boneiru

08/09/21

Positivo	Aktivo	Negativo
+22 Total: 1850	92 +22	14008
Di tèst	Fayesé	Den hospital na Boneiru:
+111 Total: 15858	17 +0	1



Un Playa Grandero na Cabo Rojo

Momo òf Tio Momo, manera su subrinonan tabata yam'é, ta un boneriano ku su kurason a pega na e isla Puerto Rico den Laman Karibe. El a biba algu mas ku setenta aña riba e isla ei, ku ta un di e estadonan merikano, kaminda el a laga e fam Coffie, un fam típiko di Boneiru, atras. El a yega 100 aña di edat. Pa e okashon ei un delegashon di su famianan di Boneiru a biaha pa Puerto Rico, Cabo Rojo, pa selebrá 100 aña di Momo, kende su pensamentunan semper a keda riba Boneiru, specialmente su barío natal Playa Grandi.

Bonerianonan na kuminsamentu di siglo binti a kuminsá ta move pisá den Karibe, nabegando na bordo di barkunan di bela di Boneiru mes, ku tabata transportá principalmente mèst pa e islanan aki, pa uso den plantashonnan komo fertilisante.

Banda di esaki bonerianonan a kuminsá biaha pa Cuba pa bai traha den kunukunan di kaña, kontrata pa algun empresario di Kòrsou, manera Yuchi Prince i Adolphe Winkel. Tin di nan ku a regresá Boneiru, pero tambe tin diferente ku a keda, formando nan famia den e pais ei.

Puerto Rico

Puerto Rico tambe tabata un isla ku bonerianonan a frekuentá hopi den pasado. Nan tabata usa Puerto Rico komo trampolin pa drenta teritorio merikano pa bai nabegá na bordo di kompanianan di barku manera Red D Line, United Fruit Company, Grace Line, Puerto Rico Line i otronan. Hopi bes nan tabata drenta Merka komo polison-te, pues den forma ilegal.

Juan Hermogenes Coffie ta un di e bonerianonan ku a bai laman. E tabata na Merka tambe, huntu ku entre otro su ruman Olivero.

Momo Coffie a kasa ku Haydee Rodriguez-Rodriguez dia promé di aprel na Boqueron, Cabo Rojo. Haydee a nase dia 3 di mart 1922. Nan a haña 5 yu, 3 hòmbler i 2 muhé. Nan tin 9 nietu, 4 muhé i 5 hòmbler.

E dos personanan aki a kono-sé otro na Cabo Rojo. E tempu ei Momo tabatin 42 aña.

Despues ku nan a kasa, nan a bai biba dos aña i mei na Fajardo. Momo a traha na Cuba tambe na Gauntánamo. Tambe el a traha na St. Thomas, St. Croix. El a traha komo remplasante di vários wardadó di torno na diferente lugá. El a traha na bordo di barkunan ku ta-

bata nabegá na Illinois, Inglatera i vários otro parti di mundu. Esaki a sosodé promé ku el a bai traha na torno.

Momo a yega Puerto Rico na bordo di un barku di bela ku tabata pertenesé na un tio di dje. Durante un di e biahenan aki via Santo Domingo el a yega Puerto Rico i a keda. E tabatin masoménos 27 aña e tempu ei.

Merikano

Momo tabata hopi interesá den polítika di Puerto Rico. El a kuminsá stima e isla aki i a matrikulá tambe riba dia 15 di mart 1926, opteniendo asina nashonalidat merikano.

Durante Segundo Guera Mundial, dia 18 di ougùstùs 1941, Momo a drenta servisio militar aktivo. Dia promé di yanüari 1952 el a bandoná servisio aktivo i el a bai traha e ora pa United States Coast Guard.

Momo a kasa na tres okashon. Na aña 1927 el a kasa ku un dama di Puerto Rico. Tabata den e tempu ku e tabata traha na e faro di Vi-equez. Ku su promé esposa e tin tres yu.

Na aña 1931 Momo a divorsiá di

Hende Inlubidabel ©

Bòi Antoin



su promé kasá i e ora el a kasa pa segundo bia na aña 1932 ku otro dama di Puerto Rico, for di kua matrimonio a nase dos yu. Na 1933 e promé yu a nase. E matrimonio aki tampoko a bai bon i e dos personanan a separá for di otro.

Haydee

Hulandesnan ta bisa "driemaal is scheepsrecht". Esaki a resultá tambe den kaso di Momo Coffie, un hòmbler di laman originalmente, den sentido ku na aña 1942 el a kono-sé Haydee, su kasá aktual.

Nan a kasa i for di e matrimonio aki a nase diferente yu. Harrison i Agnes a nase na e faro di Cabo Rojo, pasobra ta na e faro ei nan tabata biba. E yu mayó, ku ta Sofia, a nase na e faro di Fajardo.

Nan a biba seis aña na e faro di Cabo Rojo. Despues nan a traha nan mes kas, kaminda e dos otro yunan a nase.

Na aña 1966 Momo a bini Boneiru pa promé bia despues ku el a keda Puerto Rico. El a bini ku Herbert i Junior. E tempu ei nan a baha na kas di John Neuman, ku ta famia di Coffie.

Na 1970 Momo a bini Boneiru ku su yunan Sofia i Harrison. E tempu ei nan a baha na kas di Petra Coffie, ruman di Momo, na Playa Grandi.

E último bia ku Momo a bishitá Boneiru tabata na aña 1990, pues kasi 31 aña pasá, huntu ku su esposa Haydee i yunan di Herbert. Nan a baha e tempu ei na un residensia di Hugo Gerharts.





Outo a dal i subi sera



Algu promé ku 12'or di anochi riba 'Dia di Boneiru' un outo a dal un otro outo i a subi asera. A destruí algun pion riba e kaya banda Servisio di Impuesto na Playa. Informashon no ofisial ta indiká ku un dje shofürnan a bai kita pa un otro outo, pero a pèrdè kontròl i subi asera.

Ampliashon regulashon supsidio di hür

KRALENDIJK – E presupuesto 2022 ku Kolegio Ehekutivo a presentá na Konseho Insular, ta stipulá un supsidio di 698.324 dòler na supsidio di hür.

Fin di 2021 ta kuminsá ku un proyekto piloto pa e supsidio di hür partikular. E supsidio ta intenshoná pa redusí e

gastunan di bibienda pa hendenan ku un entrada abou ku ta hür un kas riba merkado partikular.

E proyekto piloto ta un koperashon entre Ministerio di Asuntunan Interior i Relashon di Reino, BZK i Entidat Públiko Boneiru.

E kostonan pa e supsidio i ehekushon, ta ku-

brí pa dor di BZK, via un kompensashon partikular. Entidat Públiko Boneiru ta responsabel pa ehekushon di e proyekto piloto.

E evaluashon di e proyekto piloto aki mester kondusí na un resultado konkreto di e regulashon aki dentro di e organisashon di Entidat Públiko Boneiru.

Marcelino Mauricio den 'Aktualidat'

KRALENDIJK – Direktör di Mental Health Caribbean (MHC), Marcelino Mauricio, ta invitado den e programa 'Aktualidat' na Bonaire.tv entrante awe djaweps 9 di sèptèmber 2021 pa 1'or di mèrdia.

MHC ta e instansia ku

ta atendé, manera e nòmber mes ta bisa, ku salú mental di habitantenan di BES.

Mauricio tin añanan kaba ta dirigí e instituto aki, na unda ta atendé entre otro klientenan sikiátriko i ku problema sikológiko, hendenan adikto, etc. E

ofisina prinsipal di MHC ta na Boneiru, pero tin ofisinan tambe na St. Eustatius i Saba.

Den forma habrí i ekstenso Marcelino Mauricio ta papia di e situashon di adikshon na Boneiru e otro dos islanan di Hulanda Karibense.

NOS A TOPA



Ami i mener Nicolaas, a topa na 'Jet Center', aya na Kòrsou. Hopi ratu ku nos no a topa. Ta primu di mi mama i tata di e konosido entre otro abogado Anthony Nicolaas. Entre otro, pasobra el a biba den e mundu di polítika i a hunga un ròl hopi importante. Anyway, awor ta e tata ta den spòt. Mucha ta keda un banda i su dia tambe ta yega ku nos lo top'é. Mi a haña lès di papiamentu serka mener Nicolaas na SGB 1990 ei banda. Mi ta kòrda tur djamars i djaweps, promé lesuur tabata serka mener te pabou, awendia MBO. Poko despues mener a baha ku penshun i a bai biba 4 aña na Philipina i despues a regresá su tera natal. Nos a kombersá basta, sigur un tremendo persona, ku amor pa hende.

9 di Sèptèmber 2021

"Pordoná otro ..."
(cf Kol 3,13b)

Nos tur konosé i sa buska nos refugio den e orashon perfekto ku Hesus a siña nos, den kua entre otro nos ta alabá nos Tata den shelu. (cf Mateo 6,9-13) Den e orashon "Nos Tata", Hesus mes ta instruí nos pa "pordoná otro, meskos ku nos ta pidi Tata pa pordoná nos". (cf Mateo 6,12)

Awe Hesus ta bai mas leu; "Stima boso enemigu i hasi bon pa esnan ku ta odia boso... resa pa esnan ku trata bo malu." (cf Lukas 6,27.28) "Esta bon, esta dushi di ta ruman i biba huntu den union." (cf Salmo 133,1)



Señor, siña mi pordoná i stima otro, manera mi ke otro pordoná i stimá mi.

1L Kol 3,12-17; Salmo 150,1-5; Ev Lukas 6,27-38



005999-522-4056 Un Snehii Pan unsnehiipan

Ismela B.V.

ta buska

6 metselaar

Pa mas inf. yama **700-7547**

Timmerwinkel Jorge N.V.

ta buska

2 karpinté

-Mester ta profeshonal i ku eksperensia

pa mas inf. yama na **+5999 5650302** òf mail **timmerwinkeljorge@hotmail.com**

‘Sinnerz WMC’ di ARUBA na Boneiru

KRALENDIJK— Durante fin di siman di 3,4,5 i 6 di sèptèmber, relashoná ku e paseo di motosaikel riba dia di Boneiru, tabatin un grupo di dama for di Aruba ku nan motosaikel. Pa promé bia nan a bishita Boneiru i a gusta un mundu ku e hendenan i e ambiente na Boneiru. Ken nan ta? 21 desèmber 2013, ‘Sinnerz WMC(Woman Motorcycle Clup) ARUBA’ a lanta ku un total di 6 hende muhé

den e tim. Nan tin statuto i tur kos legal, úniko tim den e área aki, ku ta konsistí di solamente, hende muhé. ‘SINNERZ WMC ARUBA’, ta promé, den Caribe! Na 2019 WMC a bai Kòrsou pa partisipá na ‘WIMA(Womens International Motorcycle Association) Curacao ride’, kaminda diferente pais a partisipá.

‘SINNERZ WMC’ a bai ku nan promé kòntainer ku

tabata konsistí di un total di 7 motosaikel, solamente hende muhé. ‘SINNERZ WMC Aruba’ tabata e úniko grupo den e region, ku a manda un kòntainer pa e paseo.

Pa bira miembro di WMC, mester kore ku e tim pa un temporada i wak òf analisá si ta gusta e klup i su personal. Pa bira miembro mester keda aprobá pa medio di tur miembro di tim.



Pa kontinuá nos ta splika di e trep (tour) na Boneiru, Flagday 2021 i nos ke bisa ku e hende nan di Boneiru ta hopi amabel!

Covid-19 a stroba poko

i áwaseru, naturalesa, ku a hasi un poko fastioso. Boneiru ta un eksperensia hopi diferente, sinembargo hopi dushi!

Un krtika konstruktivo ta pa drecha kareteranan pa tur hende por tin un bon ‘ride all around’. Nos ta spera pa regresá Boneiru pronto!

Promé biaha ku e grupo ‘Sinnerz’ ta na Boneiru i nan a keda inspirá, pa prek un flamingu riba nan man, komo un bunita rekuerdo di e isla.

Pa otro aña ‘Sinnerz’ tin diferente proyekto den mente. Keda pendiente!

Presidente Julie Lejuez, Secretaria: Lilly Dirksz, Tesorera: Tasha Tromp, Road captain: Sara Arrindel i Miembronan:

Zulaika Thiel; Fabiola Quandt.



Jason Tunk:

Historia oral ta interesá turista mas

KRALENDIJK — Pa Jason Tunk, guia turístiko, no tin duda ku historia oral ta interesá e turista ku ta bishitá Boneiru mas tantu.

E ta papia di eksperensia, trahando pa añanan kaba komo guia turístiko, spesialmente den sentro di Kralendijk, kapital di Bo-

neiru.

Jason: “E turistanan ku mi ta guia den Playa ke sa historia di e edifisio i tiendanan den Playa. Tambe di hendenan markante ku a move den e Playa di ántes, manera un Sin Nashon. Nan ta keda enkantá por ehèmpel ora mi konta nan di

tienda di Pana Boekhoudt, ku na lugá di debilbé kliente sèn, diferente bia ta hasi esaki ku mangel.”

Di akuerdo ku Jason Tunk, pa sa historia bieu di Boneiru, indjan i oropeonan, yegada di spañónan etc., tur hende por bai buska riba Internèt. Pero historial oral, ku ta alma dje pueblo boneriano, no ta aksesibel pa nan.

Tunk: “Mi ta hopi gradisidu na e informashon di historia oral ku mi a haña den kursonan di FuHiKu-Bo. Na mas ku un okashon mi a sigui e kurso di historia i kultura i kada bes a haña informashon nobo ku mi ta kompartí ku mi klientenan.”



Segun Jason, na momentu ku e kuminsá ku su ‘tour’ den Playa, e ta papia di su bisawelo George (Shosho) Dammers, ku tabata ‘cipier’, responsabel pa e prison di Boneiru. Su ‘tour’ ta kuminsá hustamente dilanti e kas na unda George Dam-

mers a biba, awendia ofisina di haf. “Ta informashon ku bo no ta haña den niun buki òf riba Internèt. Ta na FuHiKuBo mi a haña e informashon aki i hopi kos, supstansiá tambe ku entrevista i otro dokumento”, Jason Tunk a bisa.



TCB ku mas bishita internashonal

KRALENDIJK – Tourism Corporation Bonaire (TCB) tabatin mas bishita di prensa durante luna di ougùstùs. Komo parti di e 'Tourism Recovery plan', TCB ta enfokando riba atraé prensa internashonal na nos isla. Esaki ta un bon manera pa duna Boneiru mas kobertura internashonal den medio di komunikashon ònлайн.

Dia 18 di ougùstùs 2021, TCB a yama bon bini na Elliott, kende ta un fotógrafo i vidiografo di biahe i estilo di bida for di California, huntu ku Leslie, kende ta un periodista independiente di biahe ku su trabou a aparese riba entre otro TravelPulse.com i Arizona



Foothills Magazine. Nan bishita na Boneiru lo wòrdu kubri den Travel Pulse (alkanse: 227.465), kual ta un plataforma ònлайн ku ta ofresé notisia industrial,

kontenido di video i ta duna informashon di biahe.

Ademas, a risibí bishita di Matthew, kende ta un eskritor independiente di Miami i ku tambe ta un es-



kritor pa Matador Network (alkanse: 793.456), kual ta un plataforma di biahe konosí mundialmente pa e aventurero moderno, i ku ta duna informashon di biahe, kulinario i eventonan lokal. Tambe, e bishita di Matthew lo ta riba e wèpsait di Thrillist.com (alkanse: 3.607.069), un plataforma onlain popular di notisia ku ta mundialmente konosí den e área di F&B i biahe. Matthew a bishitá Boneiru huntu ku Laura, ku ta un fotógrafo, spesialisá den fotografia di biahe, i ku su trabou a aparese den katalòk di National Geographic. Laura ta un periodista di potrèt pa mas ku 20 aña i ta dediká su mes na eksplorá mundu, dor di kapturá i skibi tokante su eksperiensia.

Durante di nan estadía na Boneiru, nan tabatin e oportunidat pa eksperensia diferente aktividat, a hasi un paseo rònt di nos isla i a bishitá diferente restaurant.

Entre 11 pa 18 di ougùstùs, e programa di televishon Hulandes Mooi TV a filma na Boneiru, mustrandu diferente situashon, aktividatnan i akomodashon ku nos isla tin pa ofresé. E tim a disfrutá di nan bishita i a kompartí nan eksperensia riba Instagram. E episodio di Boneiru lo pasa na Mooi TV riba e kanal national SBS6 riba djasabra 2 di òktober 3:30 di atardi, orario di Hulanda, i 9:30 di mainta, orario di Boneiru. Ku ripitishon riba djadumingu 3 di òktober 11:30 di mainta i 6 di òktober 9:30 di mainta.



Stichting Openbaar Onderwijs Bonaire
Hanchi Amboina 2
Antriol Pariba
www.stichtingoob.com

Wij zijn voor Kolégio Rayo di Solo met speed op zoek naar een:

LEERKRACHT PRIMAIR ONDERWIJS

Heb jij ervaring als leraar in het basisonderwijs? Ben jij die leraar die deze kans wil pakken om met betrokken en gemotiveerde teamleden te werken aan het verbeteren van het onderwijs, solliciteer dan!

Wat wij van u verwachten/vereisen:

- Volledig bevoegd onderwijzer of LOFO diploma;
- Vaardigheid in de Papiamentse en Nederlandse taal of bereid zijn een cursus te volgen;
- Affiniteit met de Bonairiaanse cultuur;
- Communicatieve en sociale vaardigheden;
- Daadkrachtige werkhouding;
- Vaardigheid in het werken in teamverband.

Wij nodigen je uit om de sollicitatie vergezeld van een C.V. **uiterlijk 17 september 2021** te richten aan Stichting Openbaar Onderwijs Bonaire, t.a.v. mw. Saby de Bies per email: info@stichtingoob.com. Voor nadere informatie over bovenstaande vacature verwijzen wij naar onze website: www.stichtingoob.com



‘Mens Erger je Niet’ na parkenan den Antriol

KRALENDIJK—Relashoná ku dia di himno i bandera di Boneiru, Fundashon Antriol Avanti a organisá un dia kaminda por a partisipá na un torneo di ‘Mens Erger je Niet’. E torneo no por a tuma lugá debí na áwaseru ku a kai duran-

te e fin di siman i stroba e preparashon, ku tur e konsekuensia.

Sí a sigui ku e weganan i áwaseru a sigui kai. Apesar pa motibu di áwaseru, Fundashon Antriol Avanti, a suspendé e torneo di ‘Mens Erger je Niet’, i duna es-

pasio pa timnan ku tabata deseá, hunga weganan amistoso kontra otro.

Na tur tres parke timnan a presentá i hunga weganan amistoso kontra. Un éksito total, kaminda diferente persona a partisipá ku nan tim. Partisipantenan a gosa un bòl durante algun ora parti atardi djadumingu 5 di sèptèmber.

Keda pendiente pa fecha nobo pa e torneo di Fundashon Antriol Avanti, di e forma aki, na kaminda pa di 10 aña di eksistensia di e fundashon. Kombinashon di potrèt ta ilustrá parti di e aktividat ku tabatin na e parkenan.



Himno sí i bandera nò

Pakiko no ta atendé banderanan ilegal

KRALENDIJK – Pre-gunta ku a surgi, den kuadro di e diskushonnan tokante kambio di e presentashon di himno boneriano, dikon no ta diskutí tokante un lote di bandera boneriano ilegal riba merkado. Ilegal den sentido ku klaramente por mira ku e kompas ku tin riba e bandera aki no ta kuadra ku e spesifikashonnan di midí ku e ordenansa ta spesifiká.

BONERIANO a trese e asunto aki den publisidat algun tempu pasá. Un siudadano ku kurason pa Boneiru, ku ta move rònt ku wowo di falki, a

mira un bandera ku no ta kuadra ku spesifikashonnan legal ta bula na un estableimentu komersial na Hato.

Remarkabel ta ku no tabatin reashon riba e akto ilegal aki, pa kua no mester tuma e empresa en kestion na malu, pero sí esnan ku a traha i bende e bandera aki.

Miembronan di Konseho Insular, inkluyendo esnan ku a grita asina duru tokante adaptashon di e grabashon di himno dje isla aki, no a lanta e violashon aki di ordenansa di e bandera boneriano fo’i tera.



E dos fotonan ta mustra e sirkulo (kompas) mas diki, ku ta e bandera legal, miéntras riba e otro por mira kon finí e sirkulo ta.

Show ku motosaikel den sentro di suidat

KRALENDIJK--Dja-dumingu atardi tabatin un show ku motosaikel i Quad den sentro di suidat. A sera

un parti di kaya grandi (ku outorisashon) na altura di e sitio, kaminda tur motosaikel a reuni fin di siman

(stashon di Iron Order). Al-gun persona ku nan vehíku-lo ariba menshoná, a pone show pa tur presente por a disfrutá di e momentu.

No a dura largu (20 pa 30 minüt) ku a stòp e show i habri kaya pa tráfiko kontinuá. Hopi a gaba kon tur kos a bai i a bisa; sigur ta ehèmpel kon por organisá algu asina i tur kos a kana segun òrdu. Momentu ku a stòp e show, tur hende a respetá i duna tráfiko e kaya liber pa outonan sigui pasa.



Aserkamentu desaroyo integral di barío

KRALENDIJK -- Na 2022 e ofisina di proyekto desaroyo integral di barío na un manera independiente ta bai kai bou di Fundashon Sentro AKSESO.

Den konformidat ku e fundashon ta stipulando pa medio di un kontrakt di kuido, kiko ta e metanan ku mester enfatisá ariba pa 2022.

E meta prinsipal di desaroyo di barío ta e oumento di kalidat di bida i

ampliashon di e bienestar den e barionan di Boneiru. Pa esaki ta konta ku mester aktivá habitantenan di barío pa partisipá mas den desaroyo di nan barío.

E aktividatnan relashoná ku desaroyo di barío, lo ta kubrí strukturalmente dor di gobièrnu di Reino pa medio di kompensashonnan partikular.

Na 2022 lo kaba ku e proyekto pa drecha e sentronan di barío.

Institushon sentro di hustisia familiar

KRALENDIJK – For di reserva di destinashon 2019 i 2020, ta kubri gastu di institushon di un sentro di hustisia familiar, Family Justice Center (FJC). Aki den ta representá tur disiplinina pa asistí víktimanan di violensia doméstiko i maltrato relatá.

Esaki ta nifiká ku trahadónan sosial, gruponan ku ta sufri, servisio komunitario, terapia relashonal, intermediashon di debe, dòkter i fiskal, ta direktamente disponibel den un konteksto ku ta tene kuenta ku e sirkunstansianan na Boneiru.

E ambishon ta pa dor di esaki inmediatamente ehekutá un plan pa famia ku atenshon pa henter e sistema familiar.

Na 2022 ta bini den e anterior Sentro di Bario Antriol. Ta hasi esfuerso pa na fin di 2022 habri e sentro.

E sentro aki tin komo meta pa hasi e kaminda pa klientenan pa haña e yudansa korekto i sosten mas fásil.

Den e sentro klientenan/víktimanan por akudí pa yudansa, informashon i konseho riba tur tereno di bida manera kuido, bibienda, trabou i

entrada, asistensia hurídiko, konseho pa e muhé, pero tambe treinen di relashon, trabou komunitario, yudansa na mucha, kuido médiko, kuido urgente di dòkter di kas, kuido polisial, hustisia i di esaki ta nesesario, akomodashon temporal den un lugá seif. E lugá tin aksesu fásil i un esfera briante.

Direktorado di Komunitat di Kuido lo dirigí i kordiná esaki na 2022, pa asina realisá e diseño i konstrukshon. E suma pa esaki pa 2020 ta reservá for di e reserva di destinashon 2019 i 2020 i ta suma 1 mion dòler.

Fasilidat integral básiko pa akomodashon di mucha

KRALENDIJK – Entidad Públiko Boneiru ta duna realisashon na un fasilitat integral básiko pa akomodashon di mucha, Best(4) Kids i pa aña 2022 ta pone durabilidad mas aleu di esaki. Na e momentu aki di un regulashon temporal di supsidio pa akomodashon di mucha pa por mehora e kalidat i baha gastu di mayor.

Den e proposishon di lei akomodashon di mucha Hulanda Karibense, ta regla e finansiamentu struktural di akomodashon di mucha. E meta ta pa na 2022 tin un akomodashon di mucha òf akohida despues di skol kompleto i pagabel, pa mucha entre 0 pa 12 aña.

Organisashonnan di akomodashon di mucha pa medio di e regulashon di supsidio temporal aki, por hasi petishon pa supsidio na Uitvoering van Beleid (UVB). Pa esei nan ta haña sosten di e ofisina prinsipal ku Entidad Públiko Boneiru

a lanta temporalmente pa esaki.

E finansiamentu pa esaki ta bini di kompensashonnan partikular. E ehekushon di e regulashon struktural, lo keda poné dor di ministerio di SZW.

E sosten pa e organisashonnan di akomodashon di mucha, ta den ful swing. A base di kombersashonnan entre Inspeksion i Enseñansa i e entidatnan públiko, a intensivá un koperashon i a sigui ku e kombersashonnan tokante e koperashon ku esnan envolvimentu di e inspektor lokal i refuerso for di Hulanda.

Entidad Públiko Boneiru a kuminsá ku un netwerk pedagógiko insular, tokante e vishon pedagógiko insular amplio i e liña di desaroyo andando. Reforsamentu di e kalidat di gobernashon i maneho, na 2022 ta haña mas forma dor di mas klaridat tokante e ròl i repartishon responsabel i

kondishonnan di kalidat ku a keda stipulá na e maneho òf gobernashon.

Mas aleu na 2022 lo kontinuá ku e programanan eksistente i desaroyá nobo, manera Kaleidoscoop, treinen pa kolaboradónan pedagógiko, proyekto piloto, inklui akomodashon p kuido pa mucha i bini ku un programa pa akohida despues di skol i organisashonnan di akomodashon.

E aña aki ta kaba ku un investigashon pa un proyekto piloto kaminda akomodashonnan di mucha pa 3 aña ta grátis. E ehekushon di e proyekto piloto, ku aprobashon, lo tuma lugá na 2022. E finansiamentu pa esaki ta tuma lugá par parti dor di un kompensashon partikular i por parti dor di e presupuesto regular.

Pa akomodashon pa mucha, Kolegio Ehekutivo a presupuestá un montante di 848.575 pa aña 2022.

Skarsedat di zjampaña

AMSTERDAM/KRALENDIJK-- Diferente kasnan grandi di zjampaña ta atvertí ku den transkurso di sobra di e aña aki ta bai bira mas difisil pa por kumpra un bòter di zjampaña.

E skarsedat ta bini debí na pandemia di Covid, ku a obligá lokalidatnan di produkshon sera pa dos luna. Banda di esaki tin un skarsedat di bòter di zjam-

paña. Por último ta bini aserka ku tin mas demanda pa bibidanan mas eksklusivo.

Tin un grupo basta grandi di hende ku durante di e krísis di corona a gasta hopi ménos sèn ku normal i konsekuentemente tin un reserva reimu, i no tin problema pa paga mas sèn pa bibidanan mas eksklusivo ku zjampaña.

Pas di deskuento pa hende grandi

KRALENDIJK – Den e di kuater kuarteral di 2022, lo bini ku un proyekto piloto pa un pas di deskuento pa hende grandi. Direktorado di Komunitat i Kuido den e promé mitar di e aña presupuestal, ta hasi e preparashonnan i ehekushon di esaki.

E iluminashon di e gas-

tunan i mehorashon di e kalidat di bida di e grandinan, ta forma parti parti di e maneho pa grandi i e plan di implementashon di bienestar di e hende grandi ku lo keda stipulá na 2022.

E intenshon ta pa pone medionan disponibel for di kompensashon partikular pa esaki.

DESPUES LO BO KOMPRENDE

Skritura: Juan 13:1-9

“Loke Mi ta hasi bo no ta komprendé awor, ma despues lo bo komprendé.” v.7(BS)

Mi tin sigur ku abo i ami tabatin mas di un eksperensia den bida, kaminda nos no a logra haña un kontesta satisfaktorio. Mi a yega di skucha ku un persona a keda librá di morto, debí na un biahe ku e mester a kanselá. Un oportunidat ku nos no a probechá di dje, un retiro for di trabou, final di un relashon amoroso, kanselashon di un kontrato di trabou, tur ta situashonnan doloroso ku por guia na algu bon. Den e skritura di awe, nos por konsiderá e reakshon di Simon Pedro algu natural? Tin momento, nos mester aseptá ku algun kos no ta pasa den bida? Tin biaha nos ta konklui ku kosnan ta pasa serka otro hende, ma no serka nos. E resistensia ta dominá nos! Simon Pedro a aseptá ku Hesus mester laba pia di e otro disipelnan, ma no di dje. Hesus a kambia su plan: ‘Lo mi laba bo pianan tambe, loke Mi ta hasi, bo no ta komprendé awor, ma despues lo bo komprendé’. I Simon Pedro a siña un bunita lès.

Algu úniko di e eksperensia entre Hesus i Simon Pedro ta esaki: Hesus ta hasi sierto akshonnan na fabor di esnan ku skohe pa sigui’É. Hopi biaha nos no ta komprendé e akshonnan akí, ku e risiko, ku nos ta rechasá nan. Hesus tabata presente serka Pedro i e disipelnan, i e ta presente awe serka nos. Su presensia ta un garantia ku bida ta haña un sentido mas ayá di nos manera di pensa. Nos no ta komprendé tur kos ku ta pasa ku nos, pero nos sa ku despues nos ta komprendé.

Bienvenida González, República Dominicana
Jesus ta hasié, i ounke nos no ta komprendé awor, tòg e tin sentido!

Saká for di: Alimento Pa E Alma, un produkshon di Trans World Radio Bonaire.

Dabboussi Developments B.V.

ta buska

1 (un) mèsla

Interesado por yama 717-3666 òf manda CV na

info@dabboussiholdingbv.com

Causando su morto

Trailer ta cay riba Gregory S. Panneflek


ORANJESTAD – Djaluna 10.54 Central di Polis ta haya informacion cu un trailer lo mester a cay riba

un persona na un cas na Cura Cabay.

Na yegada di patruya a bin constata cu e persona no ta reaccionando. Conhuntamente cu e personal di Cuerpo di Bombero ta logra saca e persona.

Personal di Ambulance a purba reanima e persona pero envano. Pa 11.27 dokter Texier ta constata morto di e homber Gregory S. Panneflek di 35 aña di edad.

Personal di DTI y BFTO a bin n'e sitio pa haci e investigacion.



E motibonan pa VI di preso Eugene Lampe

ORANJESTAD -- Corte Comun di Husticia a recientemente trata e keho di e preso Eugene G.C. Lampe contra pospone su VI (voorwaardelijke invrijheidsstelling, libertad condicional) te 3 di november 2021. Corte Comun di Husticia a declara e keho sin base, loke kier men cu Lampe lo mester keda den prison te e dia ey.

Eugene Lampe ta den prison desde 2009. El a

wordo condena na december 2009 pa asesinato triple riba 4 di april 2008. Un preso cu a sinta dos tercer parti di su castigo incondicional, por bin na remarke pa wordo poni den libertad condicionalmente

Colegio Central di Reclassering a dicidi riba 20 di juli 2021 cu no tin contra-indicacionnan p'e VI di Lampe y a conseha pa pon'e den libertad bao

condicionnan especial. Dia 29 di juli 2021 e Colegio a conseha Minister di Husticia pa pospone e fecha pa duna e team cu ta trata Lampe y Reclassering mas tempo pa por cumpli cu e condicionnan especial.

A keda dicidi e ora pa pospone e VI di Lampe te 3 di november 2021. Minister di Husticia ta legalmente autoriza pa pospone of kita un VI si

en caso hasta dor di pone condicionnan, e seguridad di otronan of e seguridad general di personanan no por wordo garantiza.

Minister a pasa e autoridad aki pa Ministerio Publico.

Corte Comun di Husticia a huzga recientemente cu e uso di e autoridad ey pa pospone e VI (pa motibo cu no cumpli ainda cu e condicionnan especial pa garantiza se-

guridad di Lampe y di comunidad), ta razonable.

Den e decision tuma den nomber di Minister, a keda poni cu KIA, e team cu ta trata Lampe y Reclassering lo sigui traha riba e plan di tratamiento di Lampe y lo presente pa mas laat 15 di october 2021 n'e Colegio.

E Colegio lo bolbe saca un conseho na Minister tocante e fecha di VI di Eugene Lampe, segun Ministerio Publico.

Cierto indicacion cu a duna ordu pa mata Poentje Castro

ORANJESTAD -- Te ainda autoridadnan hudicial no a duna informacion oficial riba e homber cu a wordo deteni dialuna atardi, relaciona cu asesinato di Poentje Castro net prome cu Pasco di Nacimiento na 2010 en su cura di cas. A detene un sospechoso como parti di e investigacion cu ta tumando lugar y mientras cu autoridadnan ta trata di tene tur cos mas discreto posibel, e molina di rumornan a cuminsa manera custumber, circula tur ca-

minda den comunidad.

For dialuna anochi caba ora cu tabatin cierto indicacion di e persona cu a wordo deteni, a ser muestra cu mas hende lo bay cay den e caso aki ya cu tur cos ta muestra cu Poentje Castro a wordo likida posiblemente riba ordo di un of mas persona.

Mientras cu ainda tur cos ta hopi vago ainda, no por saca afo e motibo tras di e likidacion aki si en realidad e ta un likidacion of reglamento di cuenta entre

e victima y su asesino e anochi fatal di 23 di december di 2010.

Den pasado despues di e asesinato, tambe a muestra riba un posibel reglamento di cuenta pa motibonan sentimental, pero ora cu no por a logra pone man riba e asesino, e caso no a conoce progreso y a bira loke nan ta yama na Ingles, 'cold case'.

Na mes momento ta circulando tambe informacion cu tin mas hende involvi y cu e persona cu a pasa los e tiro mortal riba Poentje,

tabata na altura cu e lo a bin pafu den cura y tabata e momento p'e tira su victima mata.

Autoridadnan a investiga diferente cuenta di celular entre otro di e victima y otro hendenan rond di e victima, pero no por a haya nada concreto y hasta a pensa cu e persona cu a los e tiro fatal, lo a haci un palabracion cu e victima cu e lo pasa na su cas caminda el a comete e acto aki.

Bisiñanan no a busca ningun momento un hende

yama Poentje na su nomber prome cu nan a scucha e tiro di arma di candela, pues e posibilidad ta existi cu e victima lo por tabatin un palabracion cu e victima cu e lo pasa na e cas, sea cual sea e motibo y eynan a comete e asesinato.

Den proximo dianan ta spera di haya mas informacion riba e investigacion aki cu sin duda a lanta hopi stof for di momento a bira conoci cu a detene un sospechoso cu lo tin di haber cu e asesinato.

ARUBA

Prome Minister Evelyn Wever-Croes:

Prome Minister ta ricibi bishita di Kiwanis Club

ORANJESTAD-- E desaroyo di nos pais ta depende riba con famianan fuerte, resiliente, flexibel y stabiel

Diamars mainta, Prome Minister Evelyn Wever-Croes a ricibi bishita di Dr. Dolores Lewis di Kiwanis Division 26. Kiwanis ta un organisacion internacional cu ta yuda comunidadnan den diferente area. Pa mas di un siglo, Kiwanis ta brindando muchanan e oportunidad pa siña, experimenta, soña, crece, triunfa y prospera. E mision di Kiwanis ta pa empodera comuni-

dadnan pa haci di mundo un miho luga marcando un diferencia duradero den e bida di muchanan. E vision di Kiwanis ta pa haci un impacto positivo den comunidadnan di henter mucho pa asina un dia tur mucha lanta den comunidadnan cu ta kere den nan, ta cuida nan y ta brinda nan e apoyo cu nan mester den nan caminda pa un futuro briyante.

E mision y vision di Kiwanis ta cuadra totalmente den e mision y vision di Gobierno di Aruba. Pa Gabinete Wever-Croes I

y II, nos muchanan ta central. E desaroyo di nos pais ta depende riba famianan fuerte, resiliente, flexibel y stabiel.

E muchanan cu ta guia door di norma y balornan sano na cas y den comunidad lo crece y florece den adultonan ekilibra y responsabel. Maneho Social den un pais ta di suma importancia y ta stimula cu cada ciudadano y cada famia aki na Aruba por sinti nan mes bon.

Gobierno tin como tarea pa yuda e famianan vulnerabel, cu no por crea tur



condicion optimal pa asina lanta e muchanan y proteha e miembronan vulnerabel den famia y comunidad.

Prome Minister Evelyn Wever-Croes a gradici Ki-


wanis pa nan bishita na unda nan a comparti nan mision y nan vision y a intercambia puntonan di bista hopi importante na favor di nos muchanan y famianan.

Gobierno di aruba a dispidi di colega Hubert Maduro

Dialuna merdia Gobierno di Aruba a dispidi di colega Hubert Maduro, cu pa ultimo biaha a bishita Bestuurskantoor.

Hubert pa semper lo wordo recorda pa su sonrisa y amabilidad.

Hopi forsa y profundo condolencia na tur famia y conocirnan.



Masha tempu SITEK a entregá proyekto di lei pa atendé ku agreshon na skol

WILLEMSTAD.- Un biaha mas skol a bira sentro di atenshon, e biaha aki pa e grado di violensia ku a bolbe lanta kabes. Sindikato SITEK ta preokupá, aunke pa medio di su presidente e ta hasi un yamada urgente na Parlamento pa trata e proyekto di lei ku tin entregá basta tempu kaba i ku ta atendé netamente ku e problema di violensia bou di alumnonan.

Yamada

Presidente dje sindikato, sr. Darius "Lio" Plantijn a hasi un yamada bisando: "Miembronan di Parlamento, kaba di trata proyekto di

lei di seguridat i protekshon den skol, den fundashonnan di edukashon i pa shofürnan ku ta transportá nos yunan".

Segun sr. Plantijn, ta trata e proyekto di lei ku SITEK a entrega fo'i komienso di 2014 na tantu Konseho di Minister komo Parlamento di Kòrsou e tempu ei.

For di e tempu ei kaba tabatin kasonan di agreshon ta tuma lugá den skolnan. Trahadónan den enseñansa a wèlga huntu ku SITEK, kaminda nan a refutá agreshon den skol.

Atrobe, segun presidente di SITEK, direktiva di

SITEK ta tuma nota di kasonan di agreshon, kasonan di bringamentu den skol i den bisindario di skol, anto loke ta mas bergonsoso ta ku esaki ta sosodé na inisio di aña eskolar.

Pa salbaguardiá trankilidad, salú i bida di tur hende den enseñansa, direktiva di SITEK ta hasi e yamada atrobe na Parlamento pa konkretá e lei i yamada na minister di hustisia pa dekretá un lei di emergensia pa tur ku ta hasi nan mes kulpabel na agreshon, den skol i rondó di skol, entrante awe mester responsabilisá nan mes dilanti hustisia.



Esaki pendiente ofisialishon di e lei pa garantisá

seguridat i protekshon den enseñansa den su totalidat.

Dr. Jerry Semper ta bandoná tim di COVID-19

WILLEMSTAD.- Dr. Jerry Semper ya no ta forma parti mas di e tim di COVID-19 na Kòrsou. Esei por a komprondé for di e página di Facebook di e propio dr. Semper. E ta bisa ku siman pasá tabata e último dia den e funshon ofishal komo e médiko finalmente responsabel pa e programa di vakunashon di COVID-19. No pasobra el a disidí di stòp, no pasobra a pidié stòp, no pasobra lo tin ningun pro-

blema ku a poné stòp, sino simplemente pasobra e palabrashon ku gobièrnu na febrüari 2021 tabata ku ora e parti di vakunashon di masa, ku hopi prek pa dia mengua, kaminda e trabounan lo bira ménos, lo no tin mester di un eksperto médiko eksterno pa kordiná, kontrolá i guia. A kalkulá ku esaki lo a bai kai den luna di yüli òf ougùstùs.

Segun dr. Semper, Kòrsou tabata den un problema hopi mas grandi, i e i su



koleganan a hinka alma i kurpa den e funshon i programa aki. 16 ora pa dia, tin dia hasta mas tabata masha normal.

Seguidamente Semper a gradisí un kantidat di persona ku di un òf otro forma a pone ku e por a ehersé e funshon na satisfakshon, for di dr. Izzy Gerstenbluth te ku e personal den e Ministerio i GMN i otronan den e departamentu di komunikashon di gobièrnu di Kòrsou. Sin nan e programa lo no tabata posibel.

Na boluntarionan i empresanan ku a spònsa, sin ku mester menshoná nan nòmber. Na Gobièrnu di

Kòrsou, danki pa e oportunidat pa permitié pa yuda i kontribuí na bienestar di pais.

Terminando lo siguiente: El a palabrá ku su koleganan ku e lo keda disponibel pa pensa, konsehá i aportá kaminda ta posibel. Su number di telefòn ta konosí. Meskos ku e vírus e tampoko ta bayendo niun kaminda por lo pronto i lo keda den lucha sam sam ku nan te ora sali fo'i e pandemia aki.

A desmantelá stèntnan na Awasá

WILLEMSTAD – Djaluna último, Ministerio di Desaroyo Ekonómiko (MEO) huntu ku Ministerio di Tráfiko, Transporte i Planifikashon Urbano (VVRP) i Fundashon Marshe a kuminsá ku trabounan di desmantelashon di e stèntnan na altura di Fuik/Awasá.

Pa un tempu kaba e sitio su estado a bini ta deteriorá i esaki no solamente ta forma un peliger pa e usarionan, pero tambe ta un bista mahoso den Sentro di Siudat.

E sitio di marshe situá na Fuik/Awasá tabata konta ku un total di 13 stènt ku ta okupá pa 26 empresario ku

ta ofresé e.o. souvenir i artistanan ku ta pinta.

Despues di a okupá e sitio pa aña, tabata di komprondé ku e empresarionan en prinsipio tabata un poko mal kontentu ku e notisia di e desmantelashon. MEO i Fundashon Marshe a sinta ku sindikato i representante di e empresarionan akí pa

asina yega na palabrashonnan konkreto kon e proseso di desmantelashon lo transkurí.

Komo solushon temporal, e empresarionan ku ta bende souvenir òf otro produktonan por akudí na Sha Caprileskade i esnan ku ta kai bou di e kategoria di artista por opta pa o-

kupá un di e 9 sitionan pa artista ku tin aktualmente den Sentro di Siudat. Komo esnan enkargá pa tur aktividat di marshe den Sentro di Siudat, Fundashon Marshe a sinta kaba ku tur e empresarionan akí pa duna nan tur informashon relevante i guianan den e proseso di mudansa.

Rekordando 45 aña Extra

Dia di Famia BOPEC na 2005



Programanan di Bonaire.tv

TELBO kanal 70

Flamingo TV kanal 23

Djaweps 9 sèptèmber 2021

12.00 Aktualidat:

Marcelino Mauricio

13.00 Aki Korsou:

Claudia Kraan i Amy Victorina

14.00 Herensia:

Andres 'Adi' Figaroa

15.00 BAPA:

Alcino Alcihlo Clement

16.00 Herensia:

Jaime Janga

17.00 Aki Boneiru:

Anselmo Sint Jago

18.00 Herensia:

Alexander Semeleer 2

19.00 BAPA:

Albertico Janga

20.00 Herensia:

Julia Jacintha Dorothea-Eusenja 4

21.00 Aki Boneiru:

Hans Faassen 10 aña
Classical Music Board

22.00 Herensia:

Johana Dominga
Pourier-Vlijt

23.00 BAPA:

Nando ku Carlos
Domacassé

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.

Bonaire.tv
Historia | Kultura | Naturalesa

MONCHI & TONCHI

Tonchi, parse ku C-19 a haña un ruman mas.

Awèl sí. U-14!



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:
extrabon@gmail.com

Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Ludovico Nicolaas
Davienuska Janga
Velli Gijsbertha
Ibi Piar (deporte)

Partner na Aruba
Awe Mainta

Layout
Josella Martinez

Aviso
avisobon@gmail.com

Pronóstiko di tempu pa Boneiru

Djaweps 9
sèptèmber 2021



Ta parsialmente te hopi nublá i prinsipalmente awe por tin un áwaseru. E temperatura máksimo lo ta aproksimadamente 32°C, e temperatura mínimo mas o ménos 26°C. E bientu ost ta predominantemente moderá, 4 Bft.

Altura di ola: 1.0-1.5 m (4-5 pia)

* Altura di ola válido pa laman grandi

Segun sr. Fitzgerald Cicilia DT di s.v. Vespo

Enkuentro ku Atl. Flamingo lo no ta un partido fásil pero nan ta bai pa gana

KRALENDIJK--E DT di s.v. Vespo, sr. Fitzgerald Cicilia, papiando di un enkuentro ku no fásil kontra Atl. Flamingo djadumingu awó, tin ku remarká ku e partido kontra s.v. Estrellas tampoko no tabata un partido fásil.

Sr. Cicilia a bisa ku s.v. Estrellas ta un ekipo ku ta hunga pa bai ku e viktoria.

Anto por a nota esei tambe den e partido kontra s.v. Vespo djadumingu último, unda ku den e promé mitar nan a buta hopi preshon riba

nan defensa, pero manera tur hende sa, ku s.v. Vespo tin un defensa tremendo kubo no por pasa fásil.

Esei a yuda nan ku despues nan por a bin bèk den e enkuentro i kuminsá lansa atakenan ku a yega na e úniko gol di e partido pa bai ku e viktoria.

Mas aleu riba nos pregunta, sr. Cicilia a konfirmá pa nos ku tabatin algun oportunidat di gol ku nan no a sa di probechá di esakinan debí ku nan no tabata skèrpi

sufisiente.

Nan a krea un tres pa kuater oportunidat di gol kaminda ku nan por a bai dilanti hopi mas tempran den e enkuentro, pero lamentablemente nan no a logra esei.

Na di 70 minüt nan a hasi un cambio kaminda ku nan a hinka un tremendo hungadó den wega pa asina logra fòrsa un gol den e parti ofensivo.

Hustamente e hungadó ei a krea algu dilanti ku nan a hinka e gol di viktoria.

Tambe riba nos pregunta sr. Cicilia a bisa ku nan a pèrdè nan mihó kiper ku ta Mairon Rombley, loke a fòrsa nan pa usa un di dos kiper.

E di dos kiper tambe a haña leshon.

Einan mester a hasi un cambio pa un hungadó ku tin eksperensia komo kiper i ku a yuda nan tambe tremendamente pa yega na e viktoria.

Apesar di a pèrdè nan dos kipernan pero nan a sa di logra tòg nan meta ku nan a bai pa logra e anochi ei, esta un viktoria foi dje partido.

Mas aleu riba nos pregunta sr. Cicilia a bisa ku nan ta pendiente di “lus bèrdè” di e staf tokante kipernan pa e partido di djadumingu awó.

Pero nan ta prepará tambe ya ku nan tin mas hungadó ku tin eksperensia komo kiper.

Si dado kaso no por hasi uso di nan dos kipernan es-telar, nan tin otro kiper pa e partido di djadumingu.

Tambe riba nos pregunta tokante tereno pa trein mirando ku tin problema ku Stadion Antonio Trenidad, unda ku a surgi un problema den e sistema di koriente i ku no tin sufisiente iluminashon, sr. Cicilia a bisa ku nan a logra haña Fèlt ATC despues ku Arriba Perú a kai afó di e eliminatorio.

S.V. Vespo a haña e dianan i oranan di e ekipo aki ku ta djamars i djaweps di 8or pa 10or anochi.

Tambe sr. Cicilia a bisa ku nan a komprondé ku nan ta trahando tambe riba e lusnan di Stadion di Rincon i ta spera ku nan por keda kla e dianan aki di manera ku nan por trein na kas mes.

Segun e DT di s.v. Vespo sr. Fitzgerald Cicilia

Partido S.V. Vespo vs S.V. Estrellas tabata un tremendo partido

KRALENDIJK--Riba nos pregunta, e DT di s.v. Vespo di Rincon, sr. Fitzgerald Cicilia, a bisa ku fin di siman pasá, pa ta eksakto djadumingu último, s.v. Vespo tabatin un partido kontra s.v. Estrellas, partido ku su ekipo a logra gana ku skor mínimo di 1-0.

Tabata un bunita wega, bon bringá tur dos banda, kaminda ku s.v. Estrellas den komienso a buta hopi preshon riba e ekipo di Vespo, nan a asta dal un bala den pal'I gol.

Despues di esaki s.v. Vespo a rekuperá i poko poko nan a kuminsá ta forma nan atakenan riba e arko defendé pa s.v. Estrellas.

Tabata na di 82 minüt di e

partido ku s.v. Vespo a logra bai dilanti ku un tremendo tiru di Alexander Piard, pa asina tambe logra e viktoria i bai ku e promé 3 puntonan di e plei-òf, loke ta sumamente importante den e plei-òf Buèlta di Kuater.

Mas aleu sr. Cicilia a bisa ku nan próksimo partido ta djadumingu awó kontra e ekipo di s.v. Atl. Flamingo.

Tambe sr. Cicilia a konfirmá pa nos ku si un ekipo sali kue su promé dos viktorianan, kasimente bo tin un pia den final, dependiendo di e otro enkuentronan

Si bo tin 2 wega ganá bo ta mas trankil i hasi bo máksimo esfuerso pa gana o logra un empate pa pasa pa final di e kampionato.

Mas aleu riba nos pregunta, sr. Cicilia a bisa ku s.v. Vespo ta preparando pa bai ku un vikoria riba s.v. Atl. Flamingo djadumingu awó.

Nan tin dos treinen planiá ku tabata djamars anochi i e otro awe djaweps.

Nan ta bai ful prepará pa asina logra tambe e 3 puntonan ku nan por logra foi dje enkuentro ku Atl. Flamingo. Ta un enkuentro ku lo no ta fásil pero nan tin konfiansa den nan hungadónan, nan tin konfiansa den e staf, konfiansa den e direktiva, nan tin konfiansa den nan fanátikonan i nan ta kla i ta sigur ku nan lo saka un viktoria foi Atl. Flamingo djadumingu awó.

Djadumingu awó Atl. Flamingo vs Vespo

KRALENDIJK—Djadumingu awó e plei-òf Buèlta Kuater kampionato futbòl di nos isla, ta sigui 8or anochi den Stadion Kralendijk ku otro interesante partido di e plei-òf rumbo pa final.

Pa djadumingu awó e partido entre e ekiponan s.v. Atl. Flamingo di Niki-boko i e ekipo di s.v. Vespo di Rincon.

Vespo ta ku 1 partido

hungá 1 ganá ku 3 punto den e plei-òf.

Pa Atl. Flamingo esaki ta su promé partido di e plei-òf.

Vespo ta prepará pa saka un viktoria i otro tres punto mas di e plei-òf foi dje partido aki, esaki pa yega mas serka e final di e kampionato.

Di otro banda Atl. Flamingo tambe ta prepará pa saka un viktoria foi dje

partido, loke tei hasi e partido aki unu interesantísimo entre e ekiponan aki, di kua esun ku hunga mihó i hinka gol lo bai ku e 3 puntonan di e partido.

Abo fanátiko di e ekiponan aki, yega stadion tempran pabo no keda afó, p'abo presensia e partido aki ku ta primintí di bira otro tremendo partido di e plei-òf.

Éksito na e ekiponan den e partido i den e plei-òf.

Nort Saliña Vets 4-3 riba Teach United

KRALENDIJK--E ekipo di futbòl veterano di Nort Saliña ku ta Nort Saliña Vets, djasabra último den un partido di futbòl veterano 35+ amistoso, a gana di Teach United di Fèlt Pal'i Tamarein ku skor di 4-3.

E partido aki a tuma lugá mitar di ocho anochi na Fèlt Elion Flores na Amboina.

Nos no a logra haña nòmbernan di outornan di e golnan di e ekipo ganadó

di Nort Saliña Vets, solamente di e hungadónan di Teach United ku a hinka gol.

Outornan di e golnan pa Teach United ta Kumar, Ryan i Maudi.

Pa djasabra awó Teach United ta enfrentá e fuerte ekipo di Playa Vets pa 6or atardi na Fèlt di ATC na Tera Kòrá.

Éksito na e ekiponan den e partido.

Djabièrnè Vitesse vs ATC

KRALENDIJK - Djabièrnè awó 10 di sèptèmber 2021, e eliminasho pa Kopa FFB 2021 ta sigui den Stadion di Playa.

Riba e dia aki pa 8'or anochi, e partido entre e ekiponan di s.v. Vitesse di Antriòl Pabou kontra e ekipo di ATC di Tera Kòrá ku ta e ekipo ganador di e promé partido di e eliminashon.

E ganador di e partido aki ta topa ku Young Boys otro siman djabièrnè 17 di

sèptèmber 2021, esaki pa 8or anochi den Stadion di Playa.

Djabièrnè 24 sèptèmber 2021, pa 8'or anochi e final entre Gan1 i Gan2.

E ganador di e eliminashon lo keda premiá na final di e partido.

Éksito na e ekiponan den e eliminashon, ekiponan ku no a logra klasifiká den e promé kuaternan pa plei-òf Buèlta Kuater pa e título di kampion di nos isla.

Nan ta bon bon ku otro



Algun tempu pasá tabatin un insidente entre gerensia di Selibon i su empleado ehemplar Suyen Sussenbach. Tantu gerensia komo Suyen a atendé e insidente aki den un forma al kaso i awe direktor di Selibon Rudsel Leito i Suyen Sussenbach ta bon bon ku otro. Aki por mira nan dos huntu riba un foto saká siman pasá. Asina mester ta.

Bòl Antoin
Fundashon Histórico Kultural Boneriano

Mi a bakuná
asina mi por bishitá
hende grandi atrobe pa
registrá historia di Boneiru

Mas informashon:
Gobièrnu di Boneiru
www.bonairecrisis.com
Lifa di informashon virus di corona:
0800 0800

**Siña di bo historia, kultura
i naturalesa**

Bonaire.tv
Historia | Kultura | Naturalesa
Kanal 70- TELBO / Kanal 23 Flamingo TV

**MAGNETRON
+ GRILL**

\$129

**KITCHENAID
FOOD PROCESSOR**

\$169

**14 CUFT.
INVERTER FRIDGE**

\$675

**NINJA
BLENDER**

\$119

LUNA DI BONEIRU

City Shop

Smart shopping ► Better living

Kaya International #36
 +599 717.36.66

www.cityshopbonaire.com
 info@cityshopbonaire.com

City Shop Bonaire
 +599 700.64.42